

IOK-SU-A (6)

1 Iâ-hô-hoa ê lô·pók Mô·se sí liáu-āu, Iâ-hô-hoa hoan-hù Lùn ê kiáⁿ Iok-su-a, chiū-sī kun-sui Mô·se ê, kóng, ²Goá ê lô·pók Mô·se sí-liáu lah; taⁿ lí tiòh khí-lâi, kap cheng peh-siⁿ kè chit ê Iok-tàn, khi Goá só· siúⁿ-sù Í-sek-liát lāng ê toē. ³Kiⁿ-nā lín ê kha-chiúⁿ só· tǎh ê toē, Goá lóng siúⁿ-sù lín, chiàu Goá tui Mô·se só· kóng ê; ⁴tui khòng-iá kap chit ê Lī-pa-lùn kàu toā-hô, chiū-sī Pek-lat hô, Hek-lāng ê choân-toē, koh kàu toā-hái, òng jít-lóh ê só·chāi, lóng beh choē lín ê keng-kài. ⁵Lí chit-si-lāng tek-khak bô chit-lāng oē khiā-tiâu tī lí ê bīn-cheng; Goá cháiⁿ-iūⁿ kap Mô·se tī-teh, iā beh án-ni kap lí tī-teh; Goá tek-khak bô lī-khui lí, iā bô pàng-sak lí. ⁶Lí tiòh íong-kám chòng-táⁿ, in-ūi lí beh hō· chit ê peh-siⁿ tit-tiòh hit ê toē choē giáp, chiū-sī Goá tui in ê liát-chó· só· chiū-choā beh hō· in ê. ⁷Tók-tók lí tiòh íong-kám toā-toā chòng-táⁿ, chip-siú Goá ê lô·pók Mô·se só· bēng-lēng lí it-chhè ê lút-hoat, lâi kiāⁿ i; m̄-thang lī-khui lâi phian-chó phian-iū, hō· lí bô-lūn toh-lóh khi, lóng tit-tiòh heng-thong. ⁸Chit ê lút-hoat ê chheh m̄-thang lī-khui lí ê chhui, tek-khak tiòh mī-jít siūⁿ i, hō· lí chip-siú lâi kiāⁿ chit ê chheh-lāi só· kì-chài it-chhè ê oē; án-ni chiū oē hō· lí ê lô· pīⁿ-tháⁿ, lí iā tit-tiòh toā heng-thong. ⁹Goá kiám bô bēng-lēng lí mah? Lí tiòh íong-kám chòng-táⁿ, bóh-tit kiáⁿ, iā bóh-tit lún; in-ūi lí bô-lūn toh-lóh khi, Iâ-hô-

hoa lí ê Siōng-tè kap lí tī-teh.

¹⁰Tui án-ni Iok-su-a bēng-lēng peh-siⁿ ê koaⁿ-tiúⁿ kóng, ¹¹Lín tiòh piàn-kiāⁿ iāⁿ-tiòng, bēng-lēng peh-siⁿ, kóng, Lín tiòh pī-pān chiáh-mih, in-ūi saⁿ-jít-lāi, lín beh kè chit ê Iok-tàn, jíp-khi tit-tiòh Iâ-hô-hoa lín Siōng-tè só· beh hō· lín tit-tiòh ê toē.

¹²Iok-su-a hoan-hù Liū-piān lāng, Ka-tek lāng, kap Má-ná-se poāⁿ-chi-phài, kóng, ¹³Lín tiòh kì-tit Iâ-hô-hoa ê lô·pók Mô·se só· bēng-lēng lín ê oē, kóng, Iâ-hô-hoa lín Siōng-tè í-keng hō· lín pēng-an, iā beh chiong chit ê toē siúⁿ-sù lín. ¹⁴Lín ê bó·, lín ê gín-ná, lín ê cheng-siⁿ, lóng tiòh toā tī Iok-tàn chit-pēng, Mô·se só· hō· lín ê toē; tók-tók lín tiòng-kan it-chhè toā khui-lát ê íong-sū, lóng tiòh toā kun-khi, tī lín hiaⁿ-tī ê thau-cheng kè-khi, pang-chān in; ¹⁵kàu Iâ-hô-hoa hō· lín ê hiaⁿ-tī tit-tiòh pēng-an, chhin-chhiūⁿ lín chit-iūⁿ, kàu in iā tit-tiòh Iâ-hô-hoa lín Siōng-tè só· siúⁿ-sù in ê toē, hit-si lín chiaⁿ thang tò--khi lín só· tit-tiòh ê toē, sēng-chiap i lâi choē giáp, chiū-sī Iâ-hô-hoa ê lô·pók Mô·se tī Iok-tàn chit-pēng, òng jít-chhut ê só·chāi, só· hō· lín ê. ¹⁶In òn Iok-su-a kóng, Kìⁿ lí só· bēng-lēng goán ê, goán beh kiāⁿ, lí só· chhe goán ê, goán lóng beh khi; ¹⁷goán cheng tī it-chhè ê sū cháiⁿ-iūⁿ thiaⁿ-thàn Mô·se, taⁿ iā beh án-ni thiaⁿ-thàn lí; tók-tók goān Iâ-hô-hoa lí ê Siōng-tè kap lí tī-teh, chhin-chhiūⁿ I cheng

kap Mô·se tī-teh chit-iūⁿ. ¹⁸Bô-lūn sīm-mih lāng ũi-poē lí ê bēng-lēng, m-thiaⁿ lí ê oē, chiàu lí it-chhè só· bēng-lēng ê, chiū beh hō· i sí; tók-tók lí tiòh íóng-kám chòng-táⁿ.

2 Lūn ê kiáⁿ Iok-su-a tùi Síp-tēng àm-chīⁿ chhe nng-lāng choè cheng-thām, hoan-hù in kóng, Lín khi khoàⁿ hit ê toē, kap Iā-lī-ko. In chiū khi, kàu chit ê chhiong-ki Lat-háp ê chhù, chiū hioh tī-hia. ²Ū lāng pò Iā-lī-ko ông, kóng, Khoàⁿ ah, kin-àm ũ Í-sek-liát lāng lâi chia thau-khoàⁿ chit ê toē. ³Iā-lī-ko ông chhe lāng khi Lat-háp hia kóng, Hiah-ê lâi lí chia, jip lí ê chhù ê lāng, lí tiòh chhoā in chhut-lâi; in-ūi in lâi, sī beh thau-khoàⁿ chit ê choân-toē. ⁴Hū-jîn-lāng chiong hí nng-lāng khng-bát, chiū in kóng, Chin-chiàⁿ ũ lāng lâi goá chia; chóng-sī in tùi toh-lòh lâi, goá m-chai; jít àm, beh koaiⁿ siāⁿ-mng ê sí, hiah ê lāng chhut-khi; in khi toh-lòh goá m-chai, lín kín-kín khi jip, chiū oē jip-tiòh. ⁶Chóng-sī hū-jîn-lāng í-keng chhoā in chiūⁿ chhù-téng, chiong só· pài tī chhù-téng ê moá-kó lâi khām in.) ⁷Hiah ê lāng chiū àn Iok-tàn hit tiâu lō· jip i, kàu lō·-thâu; jip in ê lāng chit-ē chhut-khi, siāⁿ-mng chiū koaiⁿ.

⁸Nng-lāng iáu-bē khi khùn, hū-jîn-lāng chiū chiūⁿ chhù-téng kàu in hia; ⁹tùi in kóng, Goá chai Iā-hô-hoa í-keng chiong chit ê toē siúⁿ-sù lín, koh in-ūi lín ê iân-kò· goán lóng kiaⁿ, chit só·-chāi it-chhè khiā-khi ê peh-siⁿ, tī lín ê bīn-chēng lóng sit-táⁿ. ¹⁰In-ūi goán ũ thiaⁿ-kìⁿ lín chhut Ai-kíp ê sí, Iā-hô-hoa cháiⁿ-iūⁿ tī lín ê thau-chēng hō· Âng-hái ê chúí ta--khi; koh lín cháiⁿ-iūⁿ khoán-thāi Iok-tàn hit pēng nng ê A-mô·-lī ông, Se-hông kap Gók, chiū-sī lín só· húi-biát--ê. ¹¹Goán chit-ē thiaⁿ-kìⁿ chiah ê sū, chiū sit-táⁿ, in-ūi lín ê iân-kò· ták-ê sīm put-hū-thé; in-ūi Iā-hô-hoa

lín ê Siōng-tè, tī thiⁿ-téng toē-ē choè Siōng-tè. ¹²Taⁿ goá í-keng hó khoán-thāi lín, chhiáⁿ lín kí Iā-hô-hoa tùi goá chiù-choā, beh hó khoán-thāi goá lâu-pē ê ke, soà hō· goá chit-ê sit-chāi ê kì-hō; ¹³beh kiù-oáh goá ê lâu-pē, lâu-bú, goá ê hiaⁿ-tī, chí-bē, kap it-chhè siók in só·-ū-ê, chín-kiù goán ê siⁿ-miā bián sí. ¹⁴Nng-lāng in i kóng, Lí nā bô lâu-siat goán chit ê sū, goán kam-goān ēng goán ê siⁿ-miā thoè lín, kàu Iā-hô-hoa chiong chit ê toē siúⁿ-sù goán ê sí, goán beh ēng chú-ài sēng-sit khoán-thāi lí. ¹⁵Tùi án-ni i ēng soh tùi thang-á ká in tui--lòh-khi; in-ūi i ê chhù khi tī siāⁿ-chhiūⁿ, i iā khiā-khi tī chhiūⁿ-téng. ¹⁶I tùi in kóng, Lín tiòh chiūⁿ-khi soaⁿ--nih, kiaⁿ-liáu tui-jip ê lāng tú-tiòh lín; tiòh tī-hia bih saⁿ-jít, theng-hāu tui-jip ê lāng tò--lâi; jiān-āu chiah thang kiāⁿ lín ê lō·. ¹⁷Nng-lāng tùi i kóng, Lí kah goán só· chiù-choā ê, goán tek-khak bô ũi-tiòh hit-ê lâi hoān-choē; ¹⁸goán nā kàu chit só·-chāi ê sí, lí tiòh chiong chit-tiâu chu-âng ê soh pák tī tui goán lòh-khi ê thang-á--nih; iā tiòh chū-chíp lí ê lâu-pē, lâu-bú, hiaⁿ-tī, kap lí ê lâu-pē choân-ke lóng tiām lí ê chhù-lâi; ¹⁹kìⁿ-nā chhut lí ê ke ê mng khi koe-lō--ê, i ê sí sī chū-chhú-ê, bô goán ê choē; kìⁿ-nā kap lí tī chhù-lâi-ê, nā ũ lāng hē-chhiú hāi i, chiū i ê sí sī goán ê choē; ²⁰chóng-sī lí nā lâu-siat goán chit ê sū, chiū lí só· kah goán chiù-choā-ê, kap goán bô kan-siáp. ²¹I kóng, Thang chiàu lín ê oē lâi kiāⁿ. Tùi án-ni i chhe in khi; in chiū khi; i ēng chu-âng ê soh pák tī thang-á. ²²Nng-lāng khi kàu soaⁿ--nih, tiām hia saⁿ-jít, theng-hāu tui-jip ê lāng tò--khi, tui-jip ê lāng iân-lō· chhē in, iā chhē-bô-tiòh. ²³Nng-lāng chiū lòh-soaⁿ tò--lâi, kè hô kàu Lūn ê kiáⁿ Iok-su-a hia; tùi i kóng-khi in só· tú-tiòh it-chhè ê sū. ²⁴Koh tùi Iok-su-a kóng, Iā-hô-

hoa kó·jiân ēng hit ê choân-toē kau tī lán ê chhiú; hit só·chāi it-chhè khiā-khí ê peh-siⁿ, tī lán ê bīm-chêng lóng sit-táⁿ.

3 Thiⁿ-kng Iok-su-a thau-chá khí-lái, kap Í-sek-liát chêng lāng lóng lī-khui Síp-tēng, lái kàu Iok-tàn; iáu-bē kè-khì, chiū hioh tī hia, theng-hāu kè-hô. ²Kè saⁿ-jít, koaⁿ-tiúⁿ piàn-kiāⁿ iāⁿ-tióng; ³bēng-lēng peh-siⁿ kóng, Lín khoàⁿ-kìⁿ Iâ-hô-hoa lín Siōng-tè ê iok-kūi, koh khoàⁿ-kìⁿ chē-si Lī-bī lāng kng i ê sī, tióh lī-khui lín ê só·chāi, lái tē in ê āu-bīm. ⁴Chóng-sī lín kap iok-kūi saⁿ-lī, iok-liók tióh niū nng-chheng tiú ê hng; m̄-thang pek-kūn i, hō lín chai só·tióh kiāⁿ ê lō; in-ūi lín pēng-sī m̄-bat kiāⁿ chit tiâu lō. ⁵Iok-su-a tui peh-siⁿ kóng, Lín tióh ka-kī sēng-kiat, in-ūi bīm-á-jít Iâ-hô-hoa beh tī lín tióng-kan kiāⁿ kī-sū. ⁶Iok-su-a koh hoan-hù chē-si kóng, Lín kng iok-kūi khí-lái, tī peh-siⁿ ê thau-chêng kiāⁿ; in chiū kng iok-kūi khí-lái, kiāⁿ tī peh-siⁿ ê thau-chêng.

⁷Iâ-hô-hoa tui Iok-su-a kóng, Tui kīn-á-jít khí, Goá beh hō lí tī Í-sek-liát cheng-lāng ê bák-chiu-cheng choē-toā, hō in chai Goá kap lí tī-teh, chhin-chhiūⁿ cheng kap Mô-se tī-teh chit-iūⁿ. ⁸Lí tióh hoan-hù kng iok-kūi ê chē-si kóng, Lín kàu Iok-tàn chú·piⁿ ê sī, tióh theng-kha tī Iok-tàn. ⁹Iok-su-a tui Í-sek-liát lāng kóng, Lín kūn-cheng lái, thiaⁿ Iâ-hô-hoa lín Siōng-tè ê oē. ¹⁰Iok-su-a koh kóng, Tui án-ni lín thang chai oah ê Siōng-tè tī lín tióng-kan, beh tī lín ê thau-cheng koáⁿ-tiók Ka-lâm lāng, Hek lāng, Hi-bī lāng, Pí-lī-sé lāng, Kek-ka-sat lāng, A-mô·lī lāng, Iâ-pò·su lāng. ¹¹Khoàⁿ ah, phó·thiⁿ-ē ê Chú·cháiⁿ ê iok-kūi beh tī lín ê thau-cheng kè-khì, jlp Iok-tàn. ¹²Lín taⁿ tióh tui Í-sek-liát chi-phài tióng keng chấp-jī lāng, múi chi-phài chit ê

lāng; ¹³kàu kng phó·thiⁿ-ē ê Chú Iâ-hô-hoa ê iok-kūi ê chē-si, in ê kha khiā tī Iok-tàn hô ê chúi, Iok-tàn hô ê chúi, chiū-sī tui téng-bīm lâu--lòh-lái ê chúi, beh chiát-tng, khiā--khí-lái kui-tui. ¹⁴Peh-siⁿ lī-khui pò·pīⁿ, beh kè Iok-tàn ê sī, chē-si chiū kng iok-kūi tī peh-siⁿ ê thau-cheng. ¹⁵Tī siu-sēng ê sī, Iok-tàn ê chúi siōng-siōng poāⁿ-kè i ê hoāⁿ. Kng iok-kūi ê kàu Iok-tàn, kng iok-kūi ê chē-si, ¹⁶kha chit-ē ùn-tiòh chúi, hit-ē tui téng-bīm lâu--lòh-lái ê chúi, chiū khiā--khí-lái kui-tui, saⁿ-lī chin-hng, tī Sat-lāh-tàn piⁿ-thau ê A-tong siāⁿ; hit ê lâu tī A-lāh-pa hái, chiū-sī Iâm-hái, hiah ê chúi choân-jian chiát-tng; peh-siⁿ chiū tī Iâ-lī-ko ê tui-bīm kè-khì. ¹⁷Kng Iâ-hô-hoa iok-kūi ê chē-si tī Iok-tàn ê ta-toē tiāⁿ-tiāⁿ khiā-teh; Í-sek-liát cheng-lāng lóng tui ta-toē kè-khì, tit-kàu peh-siⁿ it-chīm kè Iok-tàn.

4 Peh-siⁿ í-keng it-chīm kè Iok-tàn, Iâ-hô-hoa chiū hoan-hù Iok-su-a kóng, ²Tiòh tui peh-siⁿ-tióng keng chấp-jī lāng, múi chi-phài chit-lāng; ³bēng-lēng in kóng, Lín tui hia, tui Iok-tàn hô-tióng, chē-si ê kha tiāⁿ-tiāⁿ khiā ê só·chāi, chú chấp-jī tē chiòh, toà i kap lín kè-khì, hē tī lín kim-mī beh hioh ê só·chāi. ⁴Iok-su-a chiū chiàu i tui Í-sek-liát lāng tióng só·pī-pān ê hí chấp-jī lāng, múi chi-phài chit-lāng, lóng kiò in lái. ⁵Iok-su-a chiū kā in kóng, Lín kè-khì tī Iâ-hô-hoa lín Siōng-tè iok-kūi ê thau-cheng, kàu Iok-tàn hô-tióng, chiàu Í-sek-liát lāng chi-phài ê siâu-giáh, ták-lāng chú chit tē chiòh-thau giá tī keng-thau--nih; ⁶thang ēng chit-ē tī lín tióng-kan choē cheng-kù; jít-āu lín ê kiáⁿ-sun mng lín kóng, Chiah ê chiòh-thau, tui tī lín sím-mih ì-sù? ⁷lín chiū tui in kóng, Sī in-ūi cheng Iok-tàn ê chúi, tī Iâ-hô-hoa ê iok-kūi cheng chiát-tng; iok-kūi kè Iok-tàn ê sī, Iok-tàn ê chúi chiát-tng, chiah

ê chiòh beh choè Í-sek-liát lāng éng-oán ê kì-liām.

⁸Í-sek-liát lāng chiàu Iok-su-a só· bēng-lēng--ê lāi kiāⁿ; chiàu Í-sek-liát lāng chi-phài ê siàu-giáh, tui Iok-tàn hô-tiong chhú chap-jī tē chiòh, lóng chiàu Iā-hô-hoa tui Iok-su-a só· kóng--ê; in chiū soà toà in kè-khì, kàu in hioh-khùn ê só·chāi, chiū hē tī-hia. ⁹Iok-su-a lēng-goā ēng chap-jī tē chiòh, khiā tī Iok-tàn hô-tiong, tī kng iok-kūi ê chè-si kha khiā--teh ê só·chāi; kàu kin-á-jit hiah ê chiòh iáu-kú tī-hia. ¹⁰Kng iok-kūi ê chè-si khiā tī Iok-tàn hô-tiong, theng-hāu Iā-hô-hoa bēng-lēng Iok-su-a tui peh-siⁿ kóng ê sū choè bēng-pék, sī chiàu Mô-se só· bēng-lēng Iok-su-a it-chhè ê oē, peh-siⁿ chiū kín-kín kè-khì. ¹¹Cheng peh-siⁿ it-chhīn kè-khì, Iā-hô-hoa ê iok-kūi kap chè-si chiū tī peh-siⁿ ê bīn-cheng kè-khì. ¹²Liū-piān lāng, Ka-tek lāng, Má-ná-se poàⁿ-chi-phài ê lāng, lóng chiàu Mô-se só· tui in kóng ê, toà kun-khì tī Í-sek-liát lāng ê thau-cheng kè-khì; ¹³iok-liók ū si-bān lāng, lóng pī-pān kau-chiàn, tī Iā-hô-hoa ê bīn-cheng kè-khì, kàu Iā-lī-ko ê pīⁿ-iūⁿ, piān-piān beh kau-chiàn. ¹⁴Tng hit-jit Iā-hô-hoa hō· Iok-su-a tī Í-sek-liát cheng-lāng ê bák-chiu-cheng choè-toā; tī i it-seng ê jit, peh-siⁿ keng-ūi i, chhin-chhiūⁿ chá-cheng keng-ūi Mô-se chit-iūⁿ.

¹⁵Iā-hô-hoa hoan-hù Iok-su-a kóng, ¹⁶Lí bēng-lēng kng hoat-kūi ê chè-si, tui Iok-tàn hô chiūⁿ--lāi. ¹⁷Iok-su-a chiū bēng-lēng chè-si kóng, Lín tui Iok-tàn hô chiūⁿ--lāi. ¹⁸Kng Iā-hô-hoa iok-kūi ê chè-si tui Iok-tàn hô chiūⁿ--lāi; chè-si ê kha-chiūⁿ tú-tú hoah-chiūⁿ ta-toē ê sī, Iok-tàn hô ê chúi chiū lâu kàu goān-ūi; chiàu-kū tiòng-moá siang-peng ê hoāⁿ. ¹⁹Chiaⁿ-géh chhoe-chap jit, peh-siⁿ tui Iok-tàn chiūⁿ--lāi, chiū an-iāⁿ tī Kiat-kah, tī Iā-lī

ko tang--sì ê kài. ²⁰In tui Iok-tàn só· chhú hí chap-jī tē chiòh, Iok-su-a chiū khiā i tī Kiat-kah; ²¹chiū tui Í-sek-liát lāng kóng, Jit-āu lín ê kiáⁿ-sun mng in ê lau-pē kóng, ²²Chiah ê chiòh sím-mih ì-sù? hit-sī chiū tiòh pò lín ê kiáⁿ chai, kóng, Í-sek-liát lāng bat kiāⁿ ta-toē, kè chit ê Iok-tàn hô. ²³In-ūi Iā-hô-hoa lín ê Siōng-tè tī lín ê thau-cheng hō· Iok-tàn ê chúi ta--khì, theng-hāu lín kè--lāi, chhin-chhiūⁿ Iā-hô-hoa lín Siōng-tè cheng tī Ang-hái só· choè chit-iūⁿ, chiū-sī hō· i tī lán ê thau-cheng ta--khì, theng-hāu lán kè--lāi; ²⁴beh hō· toē-chiūⁿ bān peh-siⁿ lóng chai Iā-hô-hoa ê chhiū ū toā lēng-lék; iā beh hō· lín éng-oán keng-ūi Iā-hô-hoa lín ê Siōng-tè.

5 Iok-tàn hô sai--sì ê A-mô·-lī lāng chiah ê ông, kap oá-hái ê Ka-lām lāng chiah ê ông, thiaⁿ-kìⁿ Iā-hô-hoa tī Í-sek-liát lāng ê bīn-cheng hō· Iok-tàn ê chúi ta--khì, theng-hāu lán kè--khì; in ê sim in-ūi Í-sek-liát lāng ê iān-kò· chiū sit-táⁿ, sīn put-hū-thé.

²Hit-sī Iā-hô-hoa tui Iok-su-a kóng, Lí tiòh chhòng hé-chiòh to, tē-jī pái kā Í-sek-liát lāng kiāⁿ kat-lé. ³Iok-su-a chiū chhòng hé-chiòh to, tī tū-khì-phê soaⁿ hia, kā Í-sek-liát lāng kiāⁿ kat-lé. ⁴Iok-su-a kā in kiāⁿ kat-lé ê iān-kò·, sī in-ūi tui Ai-kíp chhut-lāi ê cheng peh-siⁿ, kìⁿ oē kau-chiàn ê ta-po·-teng, chhut Ai-kíp í-āu tī lō--nih sí tī không-iá. ⁵In-ūi chhut-lāi ê cheng peh-siⁿ lóng siū kat-lé; tók-tók chhut Ai-kíp í-āu tī không-iá ê lō--nih só· siⁿ ê cheng peh-siⁿ, lóng bô siū kat-lé. ⁶Í-sek-liát lāng tī không-iá kiāⁿ sì-chap nī, kàu cheng peh-siⁿ, chiū-sī chhut Ai-kíp ê chiàn-sū, it-chhīn siàu-biát; in-ūi in bô thiaⁿ-thàn Iā-hô-hoa ê oē, Iā-hô-hoa bat tui in chiū-choā, m-hō· in khoàⁿ-kìⁿ Iā-hô-hoa tui in liát-chó· só· chiū-choā beh siúⁿ-sù lán ê toē, chiū-sī lâu

lin kap bít ê toē. ⁷In ê kiáⁿ-sun, chiū-sī I só·heng-khí lâi soà-chiap in ê, lóng bô siū kat-lé, in-ūi in tī lō̄--nih bô kâ in kiâⁿ kat-lé; Iok-su-a chiah kâ in kiâⁿ.

⁸Peh-siⁿ lóng siū kat-lé bêng-pék, chiū tiàm tī iâⁿ-lâi ka-kī ê só·chāi, thêng-hāu hó. ⁹Iâ-hô-hoa tùi Iok-su-a kóng, Goá kin-á-jít chiong Ai-kiap ê lêng-jiók î-soá lī-khui lín; tùi án-ni hit só·chāi miâ kiò Kiat-kah, tit-kàu kin-á-jít.

¹⁰Hit-sī Í-sek-liát lāng chat-iâⁿ tī Kiat-kah; hit-géh chấp-sì ê-hng, tī Iâ-lī-ko ê pīⁿ-iūⁿ siú poân-kè-choeh. ¹¹Poân-kè-choeh ê keh-jít in chiū chiah hit só·chāi só·chhut ê, tú-tú hit-jít chiah bô-kàⁿ-piáⁿ kap hang ê ngó·kok; ¹²in chiah hit só·chāi só·chhut ê, keh-jít má-ná chiū thêng-hioh; Í-sek-liát lāng iâ bô koh ū má-ná; hit-nī in chiū chiah Ka-lâm toē ê thó·sán.

¹³Iok-su-a oá-kūn Iâ-lī-ko ê sī kiáh-bák khoàⁿ, khoàⁿ-kìⁿ ū chit-lāng chiú puih-to, khiā tī i ê tùi-bīn; Iok-su-a kūn-oá i, m̄ng i kóng, Lí sī ūi goán ê, á-sī ūi goán ê tùi-tèk ah? ¹⁴I in kóng, Bô, goá lâi sī choē Iâ-hô-hoa ê kun-tiúⁿ. Iok-su-a chiū phak tī toē-nih pài i, kóng, Goá ê Chú bêng-lēng lô·pók sím-mih? ¹⁵Iâ-hô-hoa ê kun-tiúⁿ tùi Iok-su-a kóng, Thêng lí kha--nih ê oē, in-ūi lí só· khiā ê só·chāi sī sèng ê; Iok-su-a chiū chiàu án-ni kiâⁿ.

6 Iâ-lī-ko ê siâⁿ-m̄ng, in-ūi Í-sek-liát lāng ê iân-kò·, chiū koaiⁿ tiâu-tiâu, bô lāng chhut, iâ bô lāng jíp.) ²Iâ-hô-hoa kâ Iok-su-a kóng, Khoàⁿ ah, Goá ū chiong Iâ-lī-ko kap i ê ông, kap i toā-lát ê íong-sū, lóng kau tī lí ê chhiú. ³Lín it-chhè ê chiàn-sū tiòh ùi-séh chit ê siâⁿ chit-pái; lāk-jít lóng tiòh án-ni kiâⁿ; ⁴chhit ê chè-si tiòh kiáh chhit ki iūⁿ-kak ê hō-tāng kiâⁿ

tī iok-kūi ê thâu-chêng, kàu tē-chhit jít lín tiòh séh-siâⁿ chhit-pái, chè-si iâ tiòh pūn hō-tāng; ⁵in pūn-kak ê siaⁿ thoa-tūg, lín thiaⁿ-kìⁿ hō-tāng ê siaⁿ, chêng peh-siⁿ tiòh toā-siaⁿ hoah, siâⁿ-chhiūⁿ chiū beh tó pīⁿ-pīⁿ, tāk-lāng lóng tiòh tit-tit chìn-chêng khi. ⁶Lūn ê kiáⁿ Iok-su-a kiò chè-si lâi, kâ in kóng, Lín tiòh kng iok-kūi, chè-si chhit-lāng kiáh chhit ki iūⁿ-kak ê hō-tāng tī Iâ-hô-hoa ê kūi-chêng. ⁷Koh kâ peh-siⁿ kóng, Lín tiòh chìn-chêng khi séh-siâⁿ, toà kun-khì-ê tiòh kiâⁿ tī Iâ-hô-hoa ê kūi-chêng.

⁸Iok-su-a tùi peh-siⁿ kóng soah, chhit ê chè-si kiáh chhit ki iūⁿ-kak ê hō-tāng, kiâⁿ tī Iâ-hô-hoa ê bīn-chêng, pūn hō-tāng, Iâ-hô-hoa ê iok-kūi tè tī in ê āu-bīn; ⁹toà kun-khì-ê kiâⁿ tī pūn hō-tāng ê chè-si ê thâu-chêng, āu-tūi tè iok-kūi kiâⁿ; chè-si ná-kiâⁿ ná-pūn hō-tāng. ¹⁰Iok-su-a bêng-lēng peh-siⁿ kóng, Lín m̄-thang hoah, m̄-thang hō· lāng thiaⁿ-kìⁿ lín ê siaⁿ, lian chit-kù iâ m̄-thang chhut-chhiūi, thêng-hāu goá hoan-hù lín hoah ê jít, hit-sī chiah thang hoah. ¹¹Tùi án-ni, i hō· Iâ-hô-hoa ê iok-kūi ùi-siâⁿ, séh chit-pái; in chiū tò-lâi iâⁿ-poân, hioh tī iâⁿ-lâi.

¹²Thiⁿ-kng Iok-su-a chá-chá khí-lâi, chè-si iâ kng Iâ-hô-hoa ê iok-kūi. ¹³Kiáh chhit ki iūⁿ-kak ê hō-tāng ê chhit ê chè-si, tī Iâ-hô-hoa ê kūi-chêng tit-tit kiâⁿ, pūn hō-tāng; toà kun-khì-ê tī in ê thâu-chêng kiâⁿ; āu-tūi tè Iâ-hô-hoa ê iok-kūi kiâⁿ, chè-si ná-kiâⁿ ná-pūn hō-tāng; ¹⁴tē-jī jít in séh-siâⁿ chhit-pái; chiū tò-lâi iâⁿ-poân; lāk-jít lóng sī án-ni kiâⁿ.

¹⁵Tē-chhit jít phah-phú-kng ê sī, in chá-chá khí-lâi, chiàu án-ni séh-siâⁿ chhit-pái; chí-ū chit-jít séh-siâⁿ chhiut-pái. ¹⁶Kàu tē-chhit pái, chè-si pūn hō-tāng ê sī, Iok-su-a kâ peh-siⁿ kóng, Tiòh hoah ah, in-ūi Iâ-hô-hoa ēng

siâⁿ kau hō· lín lah. ¹⁷Chit ê siâⁿ kap kî-tiong it-chhè só·-ū-ê, lóng tiòh hun-piat kui hō· Iâ-hô-hoa; chí-ū chhiong-ki Lat-háp, í-kíp it-chhè kap i tī chhù-lāi-ê, thang oáh-teh; in-ūi i ū khng-bát lán só· chhe ê sù-chiá. ¹⁸Lín tī eng-kai biát ê mih tiòh ka-kī kín-sīn, kiaⁿ-liáu lín thèh eng-kai biát ê mih, tì-kàu ka-kī iā choè eng-kai biát-ê; koh liên-lūi Í-sek-liát choân-iâⁿ iā choè eng-kai biát-ê, lāi hāi-tiòh i. ¹⁹Chí-ū kim, gūn, kap tâng thih ê khi-kū, lóng tiòh hun-piat kui hō· Iâ-hô-hoa, siu-jíp Iâ-hô-hoa ê hú-khò. ²⁰Peh-siⁿ chiū hoah, chē-si iā pūn hō-tâng; peh-siⁿ thiaⁿ-kìⁿ hō-tâng ê siaⁿ, chiū toā-siaⁿ hoah, siâⁿ-chhiūⁿ chiū tó kàu pīⁿ-pīⁿ, peh-siⁿ chiū chìn-chēng jíp siâⁿ, ták-lâng tit-tit khi; tui án-ni chhú hit ê siâⁿ. ²¹Koh chiong siâⁿ-lāi só·-ū-ê, bô-lūn lâm-lú ló-iù, gū, iūⁿ, kap lū, lóng ēng to it-chīn biát i.

²²Iok-su-a kā cheng-thām hit ê toē hí nng lāng kóng, Lín jíp-khi hit ê chhiong-ki ê chhù, chiàu lín tui i só· chiū-choā-ê, chhoā hit ê hū-jīn-lāng kap it-chhè siók tī i-ê lóng tui-hia chhut-lāi. ²³Hiah ê choè cheng-thām ê siàu-liân lāng chiū jíp-khi, chhoā Lat-háp kap i ê lāu-pē, lāu-bú, hiaⁿ-tī, í-kíp it-chhè siók tī i-ê chhut-lāi, iā chhoā i ê chhin-chhek chhut-lāi, hō· in toà tī Í-sek-liát ê iāⁿ-goā. ²⁴In chiū ēng hé sio hit ê siâⁿ kap kî-tiong it-chhè só·-ū-ê; tók-tók kim, gūn, kap tâng thih ê khi-kū, lóng hē tī Iâ-hô-hoa chhù-lāi ê hú-khò. ²⁵Iok-su-a chiū pó-choân chhiong-ki Lat-háp, kap i lāu-pē ê ke-koàn, kap it-chhè siók tī i-ê ê oáh-miā; in-ūi i ū khng-bát Iok-su-a só· chhe thau-khoāⁿ Iâ-lī-ko ê sù-chiá; i chiū tiām tī Í-sek-liát tiong, kàu kin-á-jit. ²⁶Tng-sī Iok-su-a tui chēng-lāng chiū-choā kóng, Kìⁿ-nā khí-lāi khí-chō chit ê Iâ-lī-ko siâⁿ ê, tiòh tī Iâ-hô-hoa

ê bīn-chēng siū chiū-chó; i hē toē-ki ê sí, beh sí toā-kiáⁿ, hē-mng ê sí beh sí soah-bé-kiáⁿ. ²⁷Iâ-hô-hoa kap Iok-su-a saⁿ-kap tī-teh, i ê miā-siaⁿ moá-moá tī hit só·-chāi.

7 Chóng-sī Í-sek-liát lāng tī eng-kai hiàn ê mih ū hoān-choē; in-ūi Iū-tāi ê chi-phài-tiong, Siā-lāh ê cheng-sun, Sat-tí ê sun, Ka-bí ê kiáⁿ, A-kan thèh eng-kai hiàn ê mih; Iâ-hô-hoa chiū siū-khi Í-sek-liát lāng.

²Iok-su-a tui Iâ-lī-ko chhe lāng khi Pek-ték-lī tang-si, oá-kūn Pek-a-būn ê Ai siâⁿ, hoan-hù in kóng, Lín chiūⁿ-khi thau-khoāⁿ hit ê toē; in chiū chiūⁿ-khi thau-khoāⁿ Ai ê siâⁿ. ³In tò-lāi kàu Iok-su-a hia, kā i kóng, M̄-bián hō· chēng peh-siⁿ chiūⁿ-khi; tãi-iok nng-saⁿ chheng lāng chiūⁿ--khi phah Ai siâⁿ, chiū hó; m̄-bián lô-tōng chēng peh-siⁿ khi kàu hia; in-ūi hia ê lāng chió-chió. ⁴Tui án-ni peh-siⁿ-tiong iok-liók saⁿ-chheng lāng chiūⁿ--khi hia; keng-jian tī Ai siâⁿ ê lāng ê bīn-chēng tô-cháu. ⁵Ai siâⁿ ê lāng thāi-si in iok-liók saⁿ-cháp-lák lāng; in tui siâⁿ-mng-chēng tui-koáⁿ in, kàu Sī-pa-līm tī in lóh-kē ê só·-chāi phah-si in; chēng peh-siⁿ chiū sit-táⁿ, loán-jiók chhin-chhiūⁿ chúi.

⁶Iok-su-a chiū thiah-lh saⁿ; i kap Í-sek-liát ê tiúⁿ-ló, tī Iâ-hô-hoa ê kúi-chēng, phak tī thô-kha, kàu ê-hng, iā ēng tín-ai sám tī thau-khak. ⁷Iok-su-a kóng, Ai--ah, Chú Iâ-hô-hoa ah, Lí siáⁿ-sū chhoā chiaⁿ ê peh-siⁿ kè chit ê Iok-tàn, chiong goán kau tī A-mô-lī lāng ê chhiú, hō· goán biát-bô ah? Khó-sioh goán bô liáh tiām tī Iok-tàn hit-pēng choè kàu-giáh. ⁸Chú ah, Í-sek-liát lāng í-keng tī tui-ték ê bīn-chēng oát-túg-sin cháu, goá iáu-ū sīm-mih thang kóng ah? ⁹In-ūi Ka-lâm lāng kap chit só·-chāi it-chhè khiā-khi ê peh-siⁿ thiaⁿ-kìⁿ, chiū beh ùi-khùn goán, tui-biát goán ê

miâ tī toē-chiūⁿ; hit-sī Lí ũi-tiòh Lí ê toā-miâ beh cháiⁿ-iūⁿ ah?

¹⁰Iâ-hô-hoa kâ Iok-su-a kóng, Khí-lâi, lí siáⁿ-sū án-ni phak tī toē-nih ah? ¹¹Í-sek-liát hoân-choē, ũi-poē Goá só· bēng-lēng in ê iok, chhú eng-kai hiàn ê mih, iā thau-théh, iā kiáⁿ khú-chà, khng tī in ê ke-khì-tiong. ¹²In-ũi án-ni Í-sek-liát lāng tī tui-ték ê bīn-chēng khiā-boē-tiâu; in tī tui-ték ê bīn-chēng oát-túg-sin cháu, sī in-ũi in chiāⁿ-choē siū chiū-chó[·]; lín nā bô chiong eng-kai hiàn ê mih, tui lín tiong-kan tū-khì, Goá chiū bô koh kap lín saⁿ-kap tī-teh. ¹³Lí khí-lâi, hō· peh-siⁿ chheng-khì, kâ in kóng, Lín tiòh ka-kī chheng-khì pī-pān bīn-á-jít; in-ũi Iâ-hô-hoa Í-sek-liát ê Siōng-tè án-ni kóng, Í-sek-liát ah, lín iáu-bē kau-chhut hit ê mih, chiū tī tui-ték ê bīn-chēng lín beh khiā-boē-tiâu. ¹⁴Bīn-á-chá-khí lín tiòh chiàu lín ê chi-phài kún-chēng lâi; Iâ-hô-hoa só· chhú ê chi-phài, tiòh chiàu chong-chók kún-chēng lâi; Iâ-hô-hoa só· chhú ê chong-chók, tiòh chiàu ke-koàn kún-chēng lâi; Iâ-hô-hoa só· chhú ê ke-koàn, tiòh chiàu jīn-teng, chit-ê chit-ê kún-chēng lâi. ¹⁵Siū chhú-tiòh ê lāng, ũ eng-kai hiàn ê mih tī i hia, i kap i só·-ū-ê, tiòh siū hé sio; in-ũi i ũ poē Iâ-hô-hoa ê iok, koh in-ũi i tī Í-sek-liát tiong ũ kiáⁿ gōng-gōng ê sū.

¹⁶Thiⁿ-kng, Iok-su-a chá-chá khí-lâi, hō· Í-sek-liát lāng chiàu chi-phài kún-chēng lâi; chhú-tiòh-ê sī Iū-tāi chi-phài; ¹⁷hō· Iū-tāi ê chong-chók kún-chēng-lâi, chiū chhú-tiòh Siā-lāh ê chong-chók; hō· Siā-lāh chong-chók ê jīn-teng chit-ê chit-ê kún-chēng lâi, chiū chhú-tiòh Sat-tí; hō· i ê ke chiàu jīn-teng chit-ê chit-ê kún-chēng lâi, chiū chhú-tiòh Iū-tāi chi-phài ê lāng siā-lāh ê cheng-sun, Sat-tí ê sun, Ka-bí ê kiáⁿ A-kan. ¹⁹Iok-su-a tui A-

kan kóng, Goá ê kiáⁿ, goá khng lí tiòh kui êng-kng Iâ-hô-hoa Í-sek-liát ê Siōng-tè, tī I ê bīn-chēng jīn-choē, chiong lí só· choē ê sū kâ goá kóng, m̄-thang tui goá ún-moā. ²⁰A-kan in Iok-su-a kóng, Goá sít-chāi tek-choē Iâ-hô-hoa Í-sek-liát ê Siōng-tè; goá só· choē ê sū sī án-ni, án-ni; ²¹goá tī só· chhiúⁿ ê chāi-bút-tiong khoàⁿ-kìⁿ chit-niá Sī-ná ê súi-saⁿ, gūn nng-pah sià-khek-lék, kim chit-tiāⁿ, tâng gō· cháp sià-khek-lék, goá tham chiaⁿ ê mih, chiū théh i, taⁿ tī goá ê pò·-pīⁿ-lāi ê thô·kha-ē, gūn tī i ê ē-toé. ²²Iok-su-a chiū chhe lāng khi, in chiū khi, kàu i ê pò·-pīⁿ; khoàⁿ ah, hit ê mih kó-jiān khng tī i ê pò·-pīⁿ-lāi, gūn tī ē-toé. ²³In chiū tui pò·-pīⁿ-lāi théh--chhut-lāi, toà kàu Iok-su-a kap Í-sek-liát cheng-lāng hia, hē tī Iâ-hô-hoa ê bīn-chēng. ²⁴Iok-su-a kap Í-sek-liát cheng-lāng, chiong Siā-lāh ê cheng-sun A-kan, kap hit ê gūn, hit kiáⁿ saⁿ, hit tiāⁿ kim, kap i ê kiáⁿ, cha-bó·-kiáⁿ, gū, lū, iūⁿ, pò·-pīⁿ, í-klp i it-chhè só·-ū-ê, lóng toà kàu A-kat ê soaⁿ-kok. ²⁵Iok-su-a kóng, Lí siáⁿ-sū hāi goán? kin-á-jít Iâ-hô-hoa iā beh hāi lí. Tui án-ni Í-sek-liát cheng-lāng êng chiòh-thâu tìm-sí i; êng hé sio in, chiong chiòh-thâu tìm in. ²⁶Cheng-lāng tī i ê téng-bīn thiáp chit toā-tui ê chiòh, kàu tī kin-á-jít; tui án-ni Iâ-hô-hoa siu-hoē I ê toā siū-khì. Só·-í hit só· chāi miâ-kiò A-kat ê soaⁿ-kok, kàu kin-á-jít.

8 Iâ-hô-hoa tui Iok-su-a kóng, Bóh-tit kiaⁿ, iā bóh-tit lún; lí khí-lâi chhoā lóng-chóng ê chiàn-sū chiūⁿ-khì Ai siāⁿ, Goá í-keng chiong Ai siāⁿ ê ông, kap i ê peh-siⁿ, i ê siāⁿ, i ê toē, lóng kau tī lí ê chhiú. ²Lí khoán-thāi Ai siāⁿ, kap i ê ông, tiòh chhin-chhiūⁿ cheng khoán-thāi Iâ-lī-ko kap i ê ông chit-iūⁿ; chóng-sī só· chhiúⁿ i ê chāi-bút, kap cheng-siⁿ, lín thang chhú choē ka-kī ê; lí tiòh êng

peng bài-hók tī siâⁿ-âu.

³Tùi án-ni Iok-su-a kap it-chhè ê chiàn-sū lóng khí-lâi, beh chiūⁿ--khì Ai siâⁿ; Iok-su-a keng saⁿ-bân toā-lât ê ióng-sū, mī-sī chhe in khi; ⁴hoan-hù in kóng, Lín tiòh bài-hók peng kong-siâⁿ, chiū-sī siâⁿ-âu, m̄-thang lī-khui siâⁿ siuⁿ hng, lóng tiòh pī-pān piān. ⁵Goá kap goá só· chhoā ê cheng peh-siⁿ beh kūn-oá siâⁿ; in chhin-chhiūⁿ thau-pái chhut-lâi kong-kek goán, hit-sī goán chiū beh tī in ê bīn-cheng tô-cháu. ⁶In beh chhut-lâi tui-jip goán, kàu goán ín-iú in lī-khui siâⁿ; in-ūi in beh kóng, Chiah ê lāng chhin-chhiūⁿ thau-pái tī goán ê bīn-cheng tô-cháu; só·í goán beh tī in ê bīn-cheng tô-cháu; ⁷hit-sī lín chiū tiòh tui bài-hók ê só·chāi khí-lâi, chhú hit ê siâⁿ, in-ūi Iā-hô-hoa lín ê Siōng-tè beh chiong i kau tī lín ê chhiú. ⁸Lín í-keng chhú siâⁿ, chiū tiòh ēng hé sio siâⁿ, tiòh chiàu Iā-hô-hoa ê oē kiāⁿ; khoàⁿ ah, che sī goá só· bēng-lēng lín ê. ⁹Iok-su-a chhe in, in chiū khi bài-hók ê só·chāi, tiàm tī Pek-ték-lī kap Ai siâⁿ ê tiong-kan, chiū-sī Ai siâⁿ ê sai--sì; hit-mī Iok-su-a hioh tī peh-siⁿ ê tiong-kan.

¹⁰Thiⁿ-kng Iok-su-a chá-chá khí-lâi, tiám-sng peh-siⁿ; i kap Í-sek-liát ê tiúⁿ-ló tī peh-siⁿ ê thau-cheng chiūⁿ--khì Ai siâⁿ. ¹¹Cheng peh-siⁿ, chiū-sī kap i tī-teh ê chiàn-sū, lóng chiūⁿ--khì kūn-oá siâⁿ ê thau-cheng, tī Ai ê pak-peng chat-iāⁿ; tī i kap Ai ê tiong-kan ū chit ê soaⁿ-kok. ¹²I iok-liók ū keng gō·chheng lāng, hō· in bài-hók tī Pek-ték-lī kap Ai siâⁿ ê tiong-kan, chiū-sī tī siâⁿ ê sai--sì. ¹⁸Tùi án-ni an-tì peh-siⁿ, chiū-sī siâⁿ pak--sì ê choân-kun, kap siâⁿ sai--sì bài-hók ê peng; chit-mī Iok-su-a jlp soaⁿ-kok tiong. ¹⁴Ai siâⁿ ê ông khoàⁿ-kìⁿ, siâⁿ-lāi hiah ê lāng koáⁿ-kín thau-chá khí-lâi, chiàu só· tiāⁿ-tiòh ê sī, chhut-khi kàu A-lāh-

pa ê thau-cheng, beh kap Í-sek-liát lāng kau-chiàn, ông kap cheng peh-siⁿ lóng khi; chóng-sī in m̄-chai tī siâⁿ-âu ū peng bài-hók, beh kong-kek in. ¹⁵Iok-su-a kap Í-sek-liát ê cheng-lāng tī in ê thau-cheng ké thau-su, tui không-iá ê lô· tô-cháu. ¹⁶Siâⁿ-lāi ê cheng peh-siⁿ lóng chū-chip, tui-jip in; in tui-jip Iok-su-a, chiū siū ín-iú lī-khui in ê siâⁿ. ¹⁷Ai siâⁿ, kap Pek-ték-lī siâⁿ, bô lâu chit-lāng bô chhut-khi tui-jip Í-sek-liát lāng; siâⁿ-mng pàng khui-khui, khi tui-jip Í-sek-liát lāng. ¹⁸Iā-hô-hoa tui Iok-su-a kóng, Lí chhun-chhut chhiú--nih só· kiáh ê chhiuⁿ lāi kí Ai siâⁿ; in-ūi Goá beh chiong i kau tī lí ê chhiú. Iok-su-a chiū chhun-chhut chhiú--nih só· kiáh ê chhiuⁿ lāi kí hit ê siâⁿ. ¹⁹I chit-ē chhun chhiú, bài-hók ê peng chiū tui i ê só·chāi kín-kín khí-lâi, cháu-khi jip siâⁿ chhú i, kín-kín pàng hé sio siâⁿ. ²⁰Ai siâⁿ ê lāng oát-thau chit-ē khoàⁿ; bô phah-sng, siâⁿ-lāi hé-ian chheng chiūⁿ thiⁿ; in chiū cháu-chia cháu-hia, lóng bô lô·; hiah ê cháu-khi không-iá ê peh-siⁿ chiū hoan-thau lāi kong-kek tui-jip in. ²¹Iok-su-a kap Í-sek-liát ê cheng-lāng khoàⁿ-kìⁿ bài-hók ê peng í-keng chhú siâⁿ, siâⁿ-lāi hé-ian chheng chiūⁿ-koàiⁿ, chiū oát-tng-sin thau-sí Ai siâⁿ ê lāng; ²²bài-hók ê peng iā chhut-lâi kong-kek in; in siū ūi-khùn tī Í-sek-liát lāng ê tiong-kan, cheng-āu lóng sī Í-sek-liát lāng; tui án-ni thau-sí in; bô chit-ē lâu-teh, iā bô chit-ē cháu-khi. ²³In chiū oáh-liáh Ai siâⁿ ê ông, ah i kàu Iok-su-a hia. ²⁴Í-sek-liát lāng it-chin thau-sí khiā-khi tī Ai ê peh-siⁿ, tī chhân--nih, tī không-iá jip-tiòh ê só·chāi, in lóng tó tī to-ē, kàu biát-bô. Í-sek-liát cheng-lāng chiū tò-tng lāi Ai siâⁿ, ēng to thau siâⁿ-tiong ê lāng. ²⁵Tng hit-jlt thau-sí ê lâm-lú, kiōng chit-bān nng-chheng, chiū-sī Ai siâⁿ ê peh-siⁿ. ²⁶Iok-su-a bô kiu i chhun-

chhut chhiuⁿ ê chhiú, tit-kàu it-chīm biát Ai siâⁿ ê peh-siⁿ. ²⁷Tók-tók cheng-siⁿ, kap só·chhiúⁿ siâⁿ-lâi ê chài-bút, Í-sek-liát lāng lóng chhú choè ka-kī-ê, chiàu Iâ-hô-hoa só· bēng-lēng Iok-su-a ê oē. ²⁸Iok-su-a sio Ai siâⁿ, hō· i éng-éng choè thô·tui, hong-hoè kàu kin-á-jit; ²⁹koh tiàu Ai siâⁿ ê ông tī chhiū--nih; kàu hông-hun jit-lōh ê sī, Iok-su-a chhut bēng-lēng, lāng chiū tui chhiū--nih siu sin-si lōh-lâi, hiat tī siâⁿ-m̄ng-kháu; tī hit téng-bīn thiáp chít toā-tui ê chiòh-thâu, kàu kin-á-jit iáu tī teh.

³⁰Hit-sī Iok-su-a tī Í-pa-lō· soaⁿ, ūi Iâ-hô-hoa Í-sek-liát ê Siōng-tè, khí chít chō toāⁿ; ³¹sī ēng chū-jian ê chiòh, hí téng-bīn bô tâng-tiòh thih-khì-ê, lâi khí i, chiàu Iâ-hô-hoa ê lô·pók Mô·se só· bēng-lēng Í-sek-liát lāng ê oē, chiàu Mô·se lút-hoat chheh-lâi só· kí ê; in tī chít ê toāⁿ-téng hiàn sio-chè hō· Iâ-hô-hoa, iā hông siā-un ê chè. ³²Iok-su-a tī-hia ēng Mô·se ê lút-hoat chhau-siá tī chiòh-téng, chiū-sī i tī Í-sek-liát lāng ê bīn-chēng só· siá-ê. ³³Í-sek-liát chēng-lāng, kap in ê tiúⁿ-ló, koaⁿ-tiúⁿ, í-kíp sím-phoàⁿ-koaⁿ, lóng khiā tī iok-kūi ê siang-pēng, tī kng Iâ-hô-hoa iok-kūi ê chè-si Lī-bī lāng ê bīn-chēng, bô-lūn sī pún-toē lāng, sī kià-kha-ê; chít-poàⁿ tī Ki-lī-sim soaⁿ ê thâu-chēng, chít-poàⁿ tī Í-pa-lō· soaⁿ ê thâu-chēng, ká Í-sek-liát peh-siⁿ chiok-hok, chiàu Iâ-hô-hoa ê lô·pók Mô·se chēng só· bēng-lēng ê. ³⁴Jiân-āu Iok-su-a thak lút-hoat lóng-chóng ê oē, chiok-hok-ê, chiū-chóⁿ-ê, chiàu lóng-chóng kì tī lút-hoat ê. ³⁵Mô·se só· bēng-lēng it-chhè ê oē, Iok-su-a tī Í-sek-liát ê choân-hoē, kap hū-jin-lāng, gín-ná, kap in tiong-kan óng-lâi chhut-goā lāng ê bīn-chēng, bô chít-kù bô thak.

9 Iok-tàn hit-pēng, hék-sī tī soaⁿ-toē, hék-

sī tī píⁿ-iūⁿ, hék-sī tī toā-hái Lī-pa-lūn saⁿ-tùi ê píⁿ-á, Hek-lāng, A-mō·lī lāng, Ka-lām lāng, Pí-lī-sé lāng, Hi-bī lāng, Iâ-pò·su lāng, chiaⁿ ê ông chít-ē thiaⁿ-kìⁿ che, ²chiū lóng chū-chíp, tâng-sim háp-ì, beh kap Iok-su-a kap Í-sek-liát lāng kau-chiàn.

³Chóng-sī Ki-piàn khiā-khí ê peh-siⁿ thiaⁿ-kìⁿ Iok-su-a tui Iâ-lī-ko kap Ai siâⁿ só· kiāⁿ ê sū; ⁴chiū siat khú-i-kè, kè-choè sù-chiá, ēng kū ê tē, kap phoà-līh koh pò· ê kū chiú-tē, hō· lū tô i; ⁵kha--nih chhēng kè-pó· ê kū-oē, seng-khu chhēng kū-saⁿ, in só· pī-pān ê piáⁿ lóng sī ta koh chhau-phú. ⁶In kàu Kiat-kah iāⁿ-tiong kìⁿ Iok-su-a, tui i kah Í-sek-liát lāng kóng, Goán sī tui chin-hūg ê só·chāi lâi ê; taⁿ kiū lí kap goán līp-iok. ⁷Í-sek-liát lāng tui chiaⁿ ê Hi-bī lāng kóng, Kiám-chhái lín sī khiā-khí tī goán tiong-kan ê, beh cháiⁿ-iūⁿ kap lín līp-iok ah? ⁸In tui Iok-su-a kóng, Goán sī lí ê lô·pók. Iok-su-a m̄ng in kóng, Lín sī sím-mih lāng, sī tui toh-lōh lâi ê? ⁹In tui i kóng, Lí ê lô·pók tui kék-hūg ê só·chāi lâi, ūi-tiòh Iâ-hô-hoa lí Siōng-tè ê miā; in-ūi goán í-keng thiaⁿ-kìⁿ I ê miā-siaⁿ, kap I tī Ai-kíp it-chhè só· kiāⁿ ê; ¹⁰í-kíp I tī Iok-tàn hit-pēng tui A-mō·lī n̄ng ê ông, chiū-sī Hi-sít-pún ông Se-hông, kap tī A-su-tha-liók ê Pa-san ông Gók, it-chhè só· kiāⁿ ê sū. ¹¹Goán ê tióng-ló kap goán hia khiā-khí ê peh-siⁿ chiū ká goán kóng, Lín chhiú tiòh toà lō--nih ēng ê chiáh-mih, khi ngiā-chih in, tui in kóng, Goán sī lí ê lô·pók, taⁿ kiū lí kap goán līp-iok. ¹²Goán chhut-lâi beh lâi lín chia ê jit, tui chhù-lâi toà-chhut chiaⁿ ê piáⁿ choè lō·tiong ê lō·ēng, hit-sī iáu sio-sio; khoàⁿ ah, taⁿ í-keng lóng ta koh chhau-phú lah; ¹³chiaⁿ ê chiú-lông goán toé-chiú ê sī, iáu sī sin-ê, khoàⁿ ah, taⁿ í-keng phoà-līh; goán chiaⁿ ê saⁿ kap oē iā lóng chhēng-kū, in-ūi lō· chin-

hng. ¹⁴Í-sek-liát lāng chiū tui in ê chiah-mih thêh tām-pòh, iā bô chhêng-mng Iā-hô-hoa. ¹⁵Iok-su-a chiū kap in káng-hô, kap in lîp-iok, iông-ún in oáh; hoē-chiòng ê siú-léng iā tui in chiū-choā.

¹⁶Kap in lîp-iok liáu-āu, kè saⁿ-jît, chiah thiaⁿ-kìⁿ in sī kün-kün, tiàm tī in tiong-kan. ¹⁷Í-sek-liát khí-sin, tē-saⁿ jît kàu in ê siāⁿ; hiah ê siāⁿ chiū-sī Ki-piàn, Ki-hui-láh, Pí-liók, Ki-liát-iā-lím. ¹⁸In-ūi hoē-chiòng ê siú-léng í-keng chí Iā-hô-hoa Í-sek-liát ê Siōng-tè tui in chiū-choā, só·-í Í-sek-liát lāng bô phah in; choân hoē-chiòng chiū ai-oàn hiah ê siú-léng. ¹⁹Chèng siú-léng tui choân-hoē kóng, Goán í-keng chí Iā-hô-hoa Í-sek-liát ê Siōng-tè tui in chiū-choā, taⁿ lán m̄-thang kháp--tiòh in. ²⁰Lán tiòh án-ni khoán-thāi in, iông-ún in oáh--teh, kiaⁿ-liáu lán ūi-tiòh só· tui in chiū-choā-ê, siū-khi kàu tī lán. ²¹Siú-léng koh tui in kóng, Tiòh iông-ún in oáh; tui án-ni in chiū ká hoē-chiòng choē phoà-chhâ chhiūⁿ-chúi ê lāng, chiàu siú-léng só· ká in kóng ê oē.

²²Iok-su-a kiò in lâi, ká in kóng, Siáⁿ-sū phiàn goán kóng, Goán lī-khui lín chin-hng ah? Kī-sit lín sī tiàm tī goán tiong-kan. ²³Taⁿ lín sī siū chiū-chó--ê, lín tiong-kan choē lô·châi-ê éng bô tng, ká goá Siōng-tè ê tiān choē phoà-chhâ chhiūⁿ-chúi ê. ²⁴In òn Iok-su-a kóng, In-ūi ū lāng khak-sit pò lí ê lô·pók kóng, Iā-hô-hoa lí ê Siōng-tè bat bēng-lēng I ê lô·pók Mô·se, chiong chit ê choân-toē siúⁿ-sù lín, iā tī lín ê thâu-chēng châu-biát chit ê só·châi it-chhè khiā-khi ê peh-siⁿ; só·-í goán in-ūi lín ê iān-kò, kiaⁿ-liáu bô-miā, chiah choē chit ê tãi-chì. ²⁵Taⁿ goán tī lí ê chhiú-thâu; lí khoàⁿ-choē hó choē chēng-tit ê, chiàu án-ni kiāⁿ lâi khoán-thāi goán. ²⁶Iok-su-a chiū án-ni khoán-thāi in, kiù in thoat-lī Í-sek-liát lāng

ê chhiú; só·-í in chiū bô thāi in. ²⁷Tng hit-jît Iok-su-a hō· in ká hoē-chiòng kap Iā-hô-hoa ê toāⁿ, choē phoà-chhâ kap chhiūⁿ-chúi ê lāng, tī I só· beh keng ê só·-châi, kàu kin-á-jît.

10 Iā-lō·sat-léng ông A-to-nî-sé-tek thiaⁿ-kìⁿ Iok-su-a chhiú Ai siāⁿ, it-chhī biát i, khoán-thāi Ai siāⁿ kap i ê ông, chhin-chhiūⁿ chēng khoán-thāi Iā-lī-ko kap i ê ông chit-iūⁿ; koh thiaⁿ-kìⁿ Ki-piàn khiā-khi ê peh-siⁿ kap Í-sek-liát lāng lîp hô-iok, khiā-khi tī in tiong-kan; ²chiū chin kiaⁿ; in-ūi Ki-piàn sī toā-siāⁿ, chhin-chhiūⁿ chit ê kiaⁿ-siāⁿ, pí Ai siāⁿ khah-toā; koh siāⁿ-lāi ê lāng lóng sī íong-sū. ³Tui án-ni Iā-lō·sat-léng ông A-to-nî-sé-tek chhe lāng khi kìⁿ Hi-pek-lūn ông Hô-hām, Iā-boát ông Pí-lān, Láh-kiat ông Ngá-hui-a, kap I-ki-lūn ông Tí-phek, kóng, Chhiáⁿ lín chiūⁿ-lâi goá chia, pang-chān goá; lán thang lâi khi phah Ki-piàn, in-ūi i kap Iok-su-a kap Í-sek-liát lîp hô-iok. ⁵Tui án-ni A-mô·lī lāng gō· ê ông, chiū-sī Iā-lō·sat-léng ông, Hi-pek-lūn ông, Iā-boát ông, Láh-kiat ông, I-ki-lūn ông, tãi-ke chū-chíp, kap in ê kun-tūi chiūⁿ-khi, chat-iāⁿ tī Ki-piàn ê tui-bīm, beh kong-kek i.

⁶Ki-piàn lāng chiū chhe lāng khi Kiat-kah ê iāⁿ, kìⁿ Iok-su-a kóng, Lí m̄-thang kiu chhiú m̄-khoàⁿ lí ê lô·pók; kiú lí kín-kín lâi chia chín-kiù goán, pang-chān goán; in-ūi khiā-khi soaⁿ-toē A-mô·lī lāng hiah ê ông, lóng chū-chíp lâi kong-kek goán. ⁷Tui án-ni Iok-su-a, kap i it-chhè ê chiàn-sū, í-kíp it-chhè toā-lát ê íong-sū, lóng tui Kiat-kah chiūⁿ--khi. ⁸Iā-hô-hoa ká Iok-su-a kóng, Bôh-tit kiaⁿ in, in-ūi Goá í-keng chiong in kau tī lí ê chhiú; in bô chit-lāng oē khiā-tiâu tī lí ê bīm-chēng. ⁹Iok-su-a hut-jiân kàu in hia, in-ūi i tui Kiat-kah thong-mī chiūⁿ--khi. ¹⁰Iā-hô-hoa hō· in tī Í-

sek-liát lāng ê bīn-chēng hun-loān; chiū tī Ki-piàn thāi-sí in chin-choē; tui-jip in tī chiūⁿ Pek-hô-lūn ê lô; phah in kàu A-se-ka kap Má-ki-tāi. ¹¹In tī Í-sek-liát lāng ê bīn-chēng tô-cháu; tī Pek-hô-lūn lóh-khì ê sí, Iâ-hô-hoa tui thiⁿ lóh toā phauh tī in ê sin-chiūⁿ, kàu A-se-ka, hō in sí; hiah ê hō phauh phah-sí-ê, pí Í-sek-liát lāng ēng to thāi-sí-ê, khah-choē.

¹²Tng Iâ-hô-hoa chiong A-mô-lī lāng kau tī Í-sek-liát lāng ê jít, Iok-su-a chiū ká Iâ-hô-hoa kóng, iā tī Í-sek-liát lāng ê bīn-chēng kóng,

Jít-thâu ah, lí tiòh thēng tī Ki-piàn ê téng-bīn,

Gēh ah, lí tiòh thēng tī A-ngá-lūn ê soaⁿ-kok.

¹³Jít-thâu chiū thēng-teh, gēh chiū hioh-teh,

Thēng-hāu peh-siⁿ pò-siū tī in ê tui-ték.

Chit ê sū kiám m̄-sī siá tī Ngá-soah-jíⁿ ê chheh mah? Jít-thâu thēng tī thiⁿ ê tiong-ng, bô kín-kín lóh-khì, iok-liók ū chít-jít ê kú. ¹⁴Í-chēng í-āu bô ū chhin-chhiūⁿ hí chít-jít, tit-tiòh Iâ-hô-hoa thiaⁿ lāng ê siaⁿ; sī in-ūi Iâ-hô-hoa thoē Í-sek-liát lāng kau-chiàn. ¹⁵Iok-su-a kap Í-sek-liát chēng-lāng tò-lāi Kiat-kah ê iāⁿ-lāi.

¹⁶Hí gō ē ông tô-cháu, bih tī Má-ki-tāi ê tōng-lāi. ¹⁷Ū lāng khi ká Iok-su-a kóng, hí gō ē ông í-keng chhē-tiòh lah, lóng bih tī Má-ki-tāi ê tōng-lāi. ¹⁸Iok-su-a kóng, Soá toā tè chiòh kàu tōng-kháu, phài lāng tiàm hia kò-siū in; ¹⁹chóng-sī lín m̄-thang thēng-kha, tiòh tui-jip lín ê tui-ték, phah in ê āu-tūi, m̄-thang iōng-ún in jip in ê siāⁿ; in-ūi Iâ-hô-hoa lín ê Siōng-tè í-keng chiong in kau tī lín ê chhiú. ²⁰Iok-su-a kap Í-sek-liát toā-toā thāi-sí in, kàu it-chīn châu-biát chiah soah; kī-tiong chhun ê lāng lóng jip kian-kò ē siāⁿ; ²¹chēng peh-siⁿ

chiū an-jian tò-lāi Má-ki-tāi ê iāⁿ, kàu Iok-su-a hia; bô chit-lāng káⁿ chhut-siaⁿ kong-kek Í-sek-liát lāng. ²²Iok-su-a kóng, Khui tōng-kháu, liáh hí gō ē ông chhut-tōng, lāi goá chia. ²³In chiū án-ni kiāⁿ, liáh hí gō ē ông, chiū-sī Iâ-lō-sat-léng ông, Hi-pek-lūn ông, Iâ-boát ông, Láh-kiat ông, I-ki-lūn ông, tui tōng-lāi chhut-lāi, toà kàu i hia. ²⁴Liáh hiah ē ông chhut-lāi kàu Iok-su-a hia ē sí, Iok-su-a chiū kiò Í-sek-liát chēng-lāng lāi, tui hiah ē kap i saⁿ-kap khi ē kun-tiūⁿ kóng, Lín kūn-chēng lāi, chiong kha táh tī chia ē ông ē âm-kún; in chiū kūn-chēng lāi, ēng kha táh tī in ē âm-kún. ²⁵Iok-su-a tui in kóng, Lín bôh-tit kiaⁿ, iā bôh-tit lún, tiòh ióng-kám chōng-táⁿ; in-ūi lín só beh kong-kek it-chhē ē tui-ték, Iâ-hô-hoa beh án-ni khoán-thāi in. ²⁶Āu-lāi Iok-su-a phah-sí in, tiàu in tī gō chāng chhiū; in tiàu tī chhiū-nih kàu ē-hng. ²⁷Jít-lòh ē sí, Iok-su-a chhut-lēng, chiū tui chhiū-nih siu sin-si lóh-lāi, hiat tī in só bih ē tōng, chiong kúi-nā tè toā-chiòh hē tī tōng-kháu, kàu-taⁿ iáu tī-teh.

²⁸Hit-jít Iok-su-a chú Má-ki-tāi, ēng to thāi-sí in kap in ē ông; hí lāi-bīn ē lāng it-chīn châu-biát, bô lâu chit-ê; i khoán-thāi Má-ki-tāi ē ông, chhin-chhiūⁿ chēng khoán-thāi Iâ-lī-ko ông chit-iūⁿ.

²⁹Iok-su-a kap Í-sek-liát chēng-lāng tui Má-ki-tāi hia khi kàu Líp-ná, kong-kek Líp-ná. ³⁰Iâ-hô-hoa chiong i kap i ē ông kau tī Í-sek-liát lāng ē chhiú; i ēng to thāi-sí i, kap hí lāi-bīn ē chēng-lāng, bô lâu chit-ê; i khoán-thāi i ē ông, chhin-chhiūⁿ chēng khoán-thāi Iâ-lī-ko ông chit-iūⁿ.

³¹Iok-su-a kap Í-sek-liát chēng-lāng tui Líp-ná hia khi kàu Láh-kiat, chat-iāⁿ tī i ē tui-bīn, lāi kong-kek i. ³²Iâ-hô-hoa chiong Láh-kiat

kau tī Í-sek-liát lāng ê chhiú; keh-jit chiū chhú i, ēng to thāi-sí i, kap hí lāi-bīn ê cheng-lāng; sī chiàu i tùi Líp-ná it-chhè só· kiāⁿ ê.

³³Hit-sī Ki-sek ê ông Hô-lân lâi beh pang-chān Láh-kiat; Iok-su-a chiū phah-sí i, kap i ê peh-siⁿ; lóng bô ká i lâu chit-ê.

³⁴Iok-su-a kap Í-sek-liát cheng-lāng tùi Láh-kiat khi̍ kàu I-ki-lūn, tī i ê tui-bīn chat-iāⁿ, kong-kek i; ³⁵hit-jit chiū chhú i, ēng to phah i; tī hit-jit it-chīn chāu-biát hí lāi-bīn ê cheng-lāng; sī chiàu i tùi Láh-kiat it-chhè só· kiāⁿ ê.

³⁶Iok-su-a kap Í-sek-liát cheng-lāng tùi I-ki-lūn chiūⁿ-khi̍ kàu Hi-pek-lūn, kong-kek i; ³⁷chiū chhú i, ēng to phah i, kap i ê ông, í-kíp i só· siók ê siāⁿ; thāi-sí hí lāi-bīn ê peh-siⁿ, lóng bô lâu chit-ê; sī chiàu i tùi I-ki-lūn it-chhè só· kiāⁿ ê, it-chīn chāu-biát i, kap hí lāi-bīn ê cheng peh-siⁿ. ³⁸Iok-su-a kap Í-sek-liát cheng-lāng tò--lâi kàu Tí-phék, kong-kek i; ³⁹chiū chhú i, kap i ê ông, í-kíp siók i ê siāⁿ, ēng to phah i; it-chīn biát hí lāi-bīn ê cheng-lāng, bô lâu chit-ê, chiàu i cheng khoán-thāi Hi-pek-lūn ê, taⁿ iā khoán-thāi Tí-phék kap i ê ông; iā chiàu i cheng khoán-thāi Líp-ná kap i ê ông chit-iūⁿ.

⁴⁰Án-ni Iok-su-a phah choân-toē, chiū-sī soaⁿ-toē, lâm-hng ê toē, píⁿ-iūⁿ, soaⁿ-phiāⁿ, kap in lóng-chóng ê ông, bô lâu chit-ê; kīⁿ-ū chhoán-khùi-ê it-chīn chāu-biát, chiàu Iâ-hô-hoa Í-sek-liát ê Siōng-tè só· bēng-lēng ê. ⁴¹Tùi Ka-te-su-pa-nî-a kàu Ka-sat, koh Kosan choân-toē, í-kíp Ki-piàn, lóng hō· Iok-su-a phah. ⁴²Hiah ê ông kap in ê toē, Iok-su-a choē chit-sī chhú in; in-ūi Iâ-hô-hoa Í-sek-liát ê Siōng-tè thoē Í-sek-liát kau-chiàn. ⁴³Iok-su-a kap Í-sek-liát ê cheng-lāng chiū tò--lâi kàu Kiat-kah ê iāⁿ-poāⁿ.

11 Hā-só ông Iâ-pin thiaⁿ-kīⁿ chit ê tãi-chì, chiū chhe lāng khi̍ kīⁿ Má-tùn ông Iok-pa, kap Sin-lūn ê ông, Ap-soah ê ông; ²iā kàu pah-hng, soaⁿ-toē, kap Ki-nî-liát lâm--sì ê Aláh-pa, píⁿ-iūⁿ, kap sai--sì To-jīⁿ ê soaⁿ-thâu, chiaⁿ ê ông. ³Koh khi̍ kīⁿ tang--sì kap sai--sì ê Ka-lâm lāng, kap A-mô--lī lāng, Hek lāng, Pí-lī-sé lāng, kap Iâ-pò--sū lāng, khiā-khi̍ tī soaⁿ-toē ê, í-kíp Hek-būn soaⁿ-kha Bí-su-pa toē ê Hi-bī lāng. ⁴In kap in ê cheng kun-tūi lóng chhut-lâi, lāng-giáh chin-choē chhin-chhiūⁿ hái-piⁿ ê soa; bé kap chia iā chin-choē. ⁵Chiaⁿ ê ông lóng chū-chíp, lâi kàu Bí-lūn ê chú-i-piⁿ, píⁿ-piⁿ an-iāⁿ, beh kap Í-sek-liát kau-chiàn.

⁶Iâ-hô-hoa ká Iok-su-a kóng, M̄-bián ūi-tiōh in lâi kiāⁿ, in-ūi bīn-á-jit chha-put-to chit-sī, Goá ēng thāi-sí ê cheng-lāng kau tī Í-sek-liát ê bīn-cheng; lí tiōh koah-tng in ê bé-thui ê toā-kun, ēng hé sio in ê chia. ⁷Iok-su-a kap lóng-chóng ê chiàn-sū, hut-jian kàu Bí-lūn ê chú-i-piⁿ; tú-tiōh in chiū phah in. ⁸Iâ-hô-hoa chiong in kau tī Í-sek-liát lāng ê chhiú, in chiū phah in, tui-jip in kàu toā Setùn, iā kàu Bí-su-lī-hut-má-im, tit-kàu tang-sì Bí-su-pa ê píⁿ-iūⁿ, thāi-sí in, bô lâu chit-ê. ⁹Iok-su-a chiū chiàu Iâ-hô-hoa só· bēng-lēng ê khoán-thāi in; bé chiū koah-tng in ê thui ê toā-kun, chia chiū ēng hé sio.

¹⁰Hit-sī Iok-su-a oát-túg-lâi chhú Hā-só, ēng to thāi i ê ông; in-ūi Hā-só pēng-sī choē chiaⁿ ê kok ê thāu. ¹¹Í-sek-liát lāng ēng to thāi-sí hí lāi-bīn ê cheng-lāng, it-chīn biát in; kīⁿ-ū chhoán-khùi-ê bô lâu chit-ê; koh ēng hé sio Hā-só. ¹²Iok-su-a chhú hiah ê ông lóng-chóng ê siāⁿ, í-kíp in ê ông, ēng to thāi-sí in, it-chīn biát in, chiàu Iâ-hô-hoa ê lô-pók Mô-se só· bēng-lēng ê. ¹³Hiah ê khi̍ tī lūn-á-téng ê

siâⁿ, tū Hā-só í-goā, Í-sek-liát lāng lóng bô sio i; chí-ū Hā-só hō· Iok-su-a sio--khì. ¹⁴Tī hiah ê siâⁿ só· chhiúⁿ ê mih, kap cheng-siⁿ, Í-sek-liát lāng lóng chhiú choè ka-kī ê; tók-tók lāng, lóng ēng to thāi-sí kàu biát-bô; kìⁿ-ū chhoán-khùi-ê bô lâu chit-ê. ¹⁵Iâ-hô-hoa bēng-lēng I ê lô·pók Mô·se ê, Mô·se chiàu án-ni bēng-lēng Iok-su-a, Iok-su-a án-ni kiâⁿ; kìⁿ Iâ-hô-hoa só· bēng-lēng Mô·se ê, Iok-su-a bô chit-hāng bô kiâⁿ.

¹⁶Án-ni Iok-su-a chhiú hit ê choân-toē, chiū-sī soaⁿ-toē, lâm-hng choân-toē, Ko-san choân-toē, kap pīⁿ-iūⁿ A-láh-pa, Í-sek-liát ê soaⁿ-toē, kap i ê pīⁿ-iūⁿ; ¹⁷tùi chiūⁿ-khì Se-jíⁿ ê Hap-láh soaⁿ, kàu Hek-būn soaⁿ-kha, Lī-pa-lūn soaⁿ-kok ê Pa-lék-ka-tek; iā liáh hit só·chāi hiah ê ông, phah hō· in sí. ¹⁸Iok-su-a kap chiaⁿ ê ông kau-chiàn chin-kú. ¹⁹Tū Ki-piàn ê Hi-bī lāng í-goā, bô chit ê siâⁿ kap Í-sek-liát lāng káng-hô; in lóng tùi kau-chiàn lâi chhiú i. ²⁰In-ūi tùi Iâ-hô-hoa hō· in ê sim ngī, tí-ték Í-sek-liát, lâi kap in kau-chiàn, hō· in it-chīn siū-biát, bô tit-tiòh lín-bín, tì-kàu it-chīn biát-bô, chiàu Iâ-hô-hoa só· bēng-lēng Mô·se ê.

²¹Hit-sī Iok-su-a kàu, chiū tùi soaⁿ-toē, Hi-pek-lūn, Tí-phek, A-ná-pek, Iú-tāi soaⁿ-toē, Í-sek-liát soaⁿ-toē, chián-tū A-láp chók ê lāng; Iok-su-a it-chīn biát in, kap in hiah ê siâⁿ. ²²Tī Í-sek-liát lāng ê toē lóng bô lâu chit ê A-láp chók ê lāng; tók-tók tī Ka-sat, Ka-ték, kap A-sit-tút ū chhun tām-póh. ²³Án-ni Iok-su-a chiàu Iâ-hô-hoa só· bēng-lēng Mô·se it-chhè ê oē, chhiú hit ê choân-toē; Iok-su-a chiong toē pun hō· Í-sek-liát choè-giáp, chiàu in ê chi-phài, in ê chong-chók; tùi án-ni hit ê toē thài-pēng bô kau-chiàn.

12 Tī Iok-tàn hit-pēng òng jít-chhut ê só·

chāi, tùi A-lūn ê soaⁿ-kok kàu Hek-būn soaⁿ, kap tang--sì A-láh-pa ê choân-toē, Í-sek-liát lāng phah hiah ê ông, chhiú in ê toē, kì tī ē-toé. ²A-mô·lī lāng ê ông, chiū-sī khiā-khí tī Hi-sit-pún ê Se-hông, i só· koán ê toē, sī tùi A-lūn soaⁿ-kok-piⁿ ê A-lô-jíⁿ, kap soaⁿ-kok-tiong ê siâⁿ, í-kip Ki-liát ê chit-poàⁿ, tit-kàu A-būn lāng ê kóng-kài, chiū-sī Ngá-phok hō. ³Koh A-láh-pa tang--sì kàu Ki-ni-liát hái, koh kàu tang--sì A-láh-pa ê hái, chiū-sī Iâm-hái, thàng-kàu Pek-iâ-se-boát ê lō·, í-kip Iâm-hng, tit-kàu Pí-su-ka ê soaⁿ-kha; ⁴koh ū Pa-sán ông Gók ê kóng-kài, i sī Lī-hoat-im lāng só· chhun ê, tiàm tī A-su-tha-liók kap Í-tek-lài; ⁵i só· koán ê toē, sī Hek-būn soaⁿ, Sat-ka, Pa-san choân-toē, kàu Ki-sút lāng kap Má-ka lāng ê kóng-kài, í-kip Ki-liát ê chit-poàⁿ, tit-kàu Hi-sit-pún ông Se-hông ê kóng-kài. ⁶In sī Iâ-hô-hoa ê lô·pók Mô·se kap Í-sek-liát lāng só· phah ê; Iâ-hô-hoa ê lô·pók Mô·se chiong in ê toē hō· Liū-piān lāng, Ka-tek lāng, kap Má-ná-se poàⁿ-chi-phài ê lāng choè-giáp.

⁷Tī Iok-tàn ê sai-pēng, tùi Lī-pa-lūn soaⁿ-kok ê Pa-lék-ka-tek, kàu chiūⁿ--khì Se-jíⁿ ê Hap-láh soaⁿ, Iok-su-a kap Í-sek-liát lāng phah in ê toē; Iok-su-a chiū chiong toē pun hō· Í-sek-liát kok chi-phài chiàu in ê chong-chók choè-giáp; ⁸chiū-sī tī soaⁿ-toē, tī pīⁿ-iūⁿ, tī A-láh-pa, tī soaⁿ-kha, tī khòng-iá, tī lâm-hng ê toē, sī Hek lāng, A-mô·lī lāng, Ka-lâm lāng, Pí-lī-sé lāng, Hi-bī lāng, Iâ-pò·su lāng chiaⁿ ê ông kì tī ē-toé; ⁹chit-ê sī Iâ-lī-ko ông; chit-ê sī oá-kūn Pek-ték-lī Ai siâⁿ ê ông; ¹⁰chit-ê sī Iâ-lō·sat-léng ông; chit-ê sī Hi-pek-lūn ông; ¹¹chit-ê sī Iâ-boát ông; chit-ê sī Láh-kiat ông; ¹²chit-ê sī I-ki-lūn ông; chit-ê sī Ki-sek ông; ¹³chit-ê sī Tí-phek ông; chit-ê sī Ki-tak ông; ¹⁴chit-ê sī Hô-jíⁿ-má ông; chit-ê sī

A-lâh-tek ông; ¹⁵chít-ê sī Líp-ná ông; chít-ê sī A-tō-lân ông; ¹⁶chít-ê sī Má-ki-tāi ông; chít-ê sī Pek-ték-lī ông; ¹⁷chít-ê sī Tha-phó·-a ông; chít-ê sī Hi-hut ông; ¹⁸chít-ê sī A-hut ông; chít-ê sī Láh-sa-lùn ông; ¹⁹chít-ê sī Má-tùn ông; chít-ê sī Hā-só ông; ²⁰chít-ê sī Sin-lùn-bí-lùn ông; chít-ê sī Ap-soah ông; ²¹chít-ê sī Tha-láp ông; chít-ê sī Bí-kiat-to ông; ²²chít-ê sī Ki-te-su ông; chít-ê sī óa-kūn Ka-bít ê Iok-liām ông; ²³chít-ê sī To-jíⁿ soaⁿ-thâu ê To-jíⁿ ông; chít-ê sī Kiat-kah ê Ko-in ông; ²⁴chít-ê sī Tek-sat ông; kè-kiōng saⁿ-cháp-it ê ông.

13 Iok-su-a hē-sū choē, nī-lāu, Iā-hô-hoa tui i kóng, Lí hē-siū choē, nī-lāu, eng-kai chhú ê toē, iáu ū chhun chin-choē; ²só· chhun ê toē, chiū-sī Hui-lī-sū lāng ê choân-kéng, kap Ki-sút lāng ê choân-toē; ³tui Ai-kip thau-chêng ê Se-hat, òng-pak kàu Í-kek-lùn ê kéng-kài, che chiū sng-choē Ka-lâm lāng ê toē; Hui-lī-sū lāng gō· ê siú-léng, chiū-sī Ka-sat lāng, A-sít-tút lāng, A-sit-ki-lùn lāng, Ka-tek lāng, Í-kek-lùn lāng; koh ū lām-hng A-ōē lāng; ⁴Ka-lâm lāng ê choân-toē, Se-tùn lāng ê Bí-a-láh, kàu A-hut, tít-kàu A-mô·-lī lāng ê kau-kài; ⁵koh ū Ka-pa-lék lāng ê toē, kap òng jít-chhut ka-nng ê Lī-pa-lùn, tui Hek-bún soaⁿ-kha ê Pa-lék-ka-tek, kàu Hap-má ê lō·-kháu; ⁶khiā-khi soaⁿ-toē lóng-chóng ê peh-siⁿ, tui Lī-pa-lùn kàu Bí-su-lī-hut-má-im, Se-tùn ê chêng-lāng, Goá beh tī Í-sek-liát lāng ê bīn-chêng koáⁿ in chhut-khi; lí thang chiàu Goá só· bēng-lēng lí ê, pun hiah ê toē hō· Í-sek-liát lāng choē-giáp. ⁷Taⁿ lí tiōh chiong chit ê toē pun hō· káu chi-phài kap Má-ná-se poàⁿ-chi-phài choē-giáp. ⁸Liū-piān, Ka-tek, nng chi-phài, kap Má-ná-se iáu poàⁿ-chi-phài, saⁿ-kap tit-tiōh Mô·se só· siúⁿ-sù ê giáp, tī Iok-tàn tang--sī hit-pēng, chiū-sī chiàu Iā-hô-hoa

ê lô·-pók Mô·se só· hō· in ê. ⁹Sī tui A-lùn soaⁿ-kok-piⁿ ê A-lô-jíⁿ, kap soaⁿ-kok-tiong ê siáⁿ, í-kip Bí-tí-pa ê choân piⁿ-iūⁿ, tít-kàu Tí-pún; ¹⁰kap tiām tī Hi-sít-pún choē-ông, A-mô·-lī lāng ê ông Se-hông chiaⁿ ê siáⁿ, kàu A-bún lāng ê kau-kài; ¹¹koh ū Ki-liát toē, Ki-sút lāng, Má-ka lāng ê toē-kài, kap ka-nng ê Hek-bún soaⁿ, ka-nng ê Pa-san, kàu Sat-ka; ¹²koh Pa-san ông Gók ê choân-kok, i tī A-su-tha-liók kap Í-tek-lái choē-ông; i sī Lī-hoat-im chók só· chhun-ê; in-ti chiaⁿ-ê lóng sī Mô·se só· phah ê, só· koáⁿ ê. ¹³Chóng-sī Í-sek-liát lāng bô koáⁿ Ki-sút lāng, Má-ka lāng; kàu kin-á-jít Ki-sút, Má-ka iū-goân tiām tī Í-sek-liát lāng ê tiong-kan. ¹⁴Tók-tók bô pun giáp hō· Lī-bī ê chi-phài; Iā-hô-hoa Í-sek-liát ê Siōng-tè sio-chè ê chè-mih choē in ê giáp, chiàu I só· tui i kóng ê.

¹⁵Mô·se pun hō· Liū-piān chi-phài ê, chiàu in ê chong-chók. ¹⁶In ê kéng-kài sī A-lùn soaⁿ-kok-piⁿ ê A-lô-jíⁿ, kap soaⁿ-kok-tiong ê siáⁿ, óa-kūn Bí-tí-pa ê choân piⁿ-iūⁿ, ¹⁷Hi-sít-pún kap i piⁿ-iūⁿ hiah ê siáⁿ, Tí-pún, Pa-boát-pa-lék, Pek-pa-lék-bián; ¹⁸Ngá-cháp, Ki-tí-bók, Bí-hoat-ap; ¹⁹Ki-liát-tēng, Se-pí-má, kap soaⁿ-kok tiong ê soaⁿ Sè-liát-hap-sa-hat; ²⁰Pek-pi-jíⁿ, Pì-su-ka ê soaⁿ-phiáⁿ, Pek-iā-se-boát; ²¹koh piⁿ-iūⁿ hiah ê siáⁿ, tī Hi-sít-pún choē-ông ê A-mô·-lī lāng ê ông Se-hông ê choân-kok; Mô·se phah i kap Bí-tiān hiah ê siú-léng, chiū-sī Í-bī, Lī-kim, So·-jíⁿ, Hō·-jíⁿ, Lī-pa; chiaⁿ-ê lóng sī tiām tī hit só·-chāi choē siú-léng, siók tī Se-hông ê. ²²Í-sek-liát lāng thāi hiah ê lāng ê sí, iā ēng to thāi Pí-jíⁿ ê kiáⁿ, sút-sū Pa-lân. ²³Liū-piān lāng ê kéng-kài, i ê giáp tī Iok-tàn kap hô-piⁿ ê toē. Che sī Liū-piān lāng ê giáp, chiàu in ê chong-chók, chiaⁿ ê siáⁿ, chiaⁿ ê huiⁿ-siā.

²⁴Mô·se pun hō· Ka-tek lāng, chiàu Ka-tek chi-phài ê chong-chòk. ²⁵In ê keng-kài sī Ngá-siā kap Ki-liát it-chhè ê siāⁿ, kap A-būn lāng chit-poàⁿ ê toē, kàu Láh-pa thâu-chêng ê A-lô-jí^m. ²⁶Tùi Hi-sit-pún kàu Láh-boát-bí-su-pa, kap Pí-to-lêng, koh tùi Má-hap-liām, kàu Tí-phek ê keng-kài; ²⁷kap soaⁿ-kok-tiong ê Pek-a-lân, Pek-lêng-láh, Sók-kat, Sat-hun, chiū-sī Hi-sit-pún ông Se-hông kok-lāi só· chhun ê toē, í-klp Iok-tàn hô kap hô-piⁿ ê toē, tit-kàu Ki-ni-liát hái ê kék-thâu, tī Iok-tàn hit-pêng ê tang--sì. ²⁸Che sī Ka-tek lāng chiàu i ê chong-chòk só· tit-tiòh choè-giáp chiaⁿ ê siāⁿ, kap huiⁿ-siā.

²⁹Mô·se pun hō· Má-ná-se poàⁿ-chi-phài-ê, sī chiàu Má-ná-se lāng poàⁿ-chi-phài ê chong-chòk. ³⁰In ê keng-kài sī tùi Má-hap-liām khí, pau-hām Pa-san choân-toē, chiū-sī Pa-san ông Gók ê chông-kok, kap tī Pa-san Găi-jí^m it-chhè ê siāⁿ, kiông lăk-cháp ê siāⁿ; ³¹Ki-liát ê chit-poàⁿ, kap A-su-tha-liók, Í-tek-lâi, sī siók Pa-san ông Gók ê kok ê siāⁿ, sī hō· Má-ná-se ê kiáⁿ, Má-kiat, chiū-sī Má-kiat ê kiáⁿ-sun ê chit-poàⁿ, chiàu i ê chong-chòk.

³²Téng-bīn sī Mô·se tī Iok-tàn hit-pêng tang--sì, Iâ-lī-ko tùi-bīn Mô·ap ê pīⁿ-iūⁿ, só· pun ê giáp. ³³Tók-tók Lī-bī chi-phài, Mô·se bô pun-giáp hō· in; Iâ-hô-hoa Í-sek-liát ê Siông-tè sī choè in ê sán-giáp, chiàu I só· kâ in kóng ê.

14 Í-sek-liát lāng tī Ka-lâm toē só· tit-tiòh ê giáp, chiū-sī chè-si Í-lī-a-sat, kap Lùn ê kiáⁿ Iok-su-a, kap Í-sek-liát ták chi-phài ê chòk-tiúⁿ, só· pun hō· in ê, lóng kì tī ē-toé. ²Sī chiàu Iâ-hô-hoa thok Mô·se só· bēng-lēng ê, liam-khau pun hō· káu chi-phài koh poàⁿ-chi-phài. ³In-ūi Mô·se tī Iok-tàn hô hit-pêng, í-keng pun-giáp hō· nng ê chi-phài koh poàⁿ-

chi-phài; tók-tók tī in tiong-kan bô pun-giáp hō· Lī-bī lāng. ⁴In-ūi Iok-sak ê kiáⁿ-sun sī nng chi-phài, chiū-sī Má-ná-se kap Í-hoat-liân; chóng-sī bô ēng toē pun hō· Lī-bī lāng choè-giáp; chí-ū hō· in siāⁿ thang khiā-khí, kap siāⁿ ê kau-iá, thang choè cheng-siⁿ kap chài-bút ê lō·ēng. ⁵Í-sek-liát lāng chiàu Iâ-hô-hoa só· bēng-lēng Mô·se ê khi kiāⁿ, lâi pun hit ê toē.

⁶Hit-sī Iū-tāi lāng tī Kiat-kah kìⁿ Iok-su-a; ū Ki-ni-sé chòk, Iâ-hu-ni ê kiáⁿ Ka-lék, kâ i kóng, Chá tī Ka-te-su-pa-ni-a, Iâ-hô-hoa tùi Siông-tè ê lô·pók Mô·se só· kóng, koan-hē lí goá ê tãi-chi ê, lí lóng chai. ⁷Iâ-hô-hoa ê lô·pók Mô·se tùi Ka-te-su-pa-ni-a chhe goá thau-khoàⁿ chit ê toē, hit-sī goá tú-á sì-cháp hē; goá chīn goá ê sim hē-hok i. ⁸Chóng-sī kap goá chiūⁿ--khi hiah ê hiaⁿ-tī hō· peh-siⁿ sim sit-chi; tók-tók goá choan-sim tē Iâ-hô-hoa goá ê Siông-tè. ⁹Tng-jit Mô·se chiū-choā kóng, Lí ê kha só· tãh ê toē, tiāⁿ-tiòh beh kui lí kap lí ê kiáⁿ-sun, éng-oán choè-giáp; in-ūi lí choan-sim kun-tē Iâ-hô-hoa goá ê Siông-tè. ¹⁰Khoàⁿ ah, Iâ-hô-hoa chiàu I só· kóng ê, hō· goá oáh-teh í-keng sì-cháp-gō· nī, chiū-sī tùi Í-sek-liát lāng kiáⁿ tī khoân-iá, Iâ-hô-hoa kâ Mô·se kóng che oē ê sī; khoàⁿ ah, hiān-kim goá poeh-cháp-gō· hē lah. ¹¹Goá iáu-kú ióng-kiāⁿ, chhin-chhiūⁿ Mô·se chhe goá khi hit-jit chit-iūⁿ, bô-lūn sī cheng-chiàn, sī chhut-jlp, goá ê khui-lát hit-sī cháiⁿ-iūⁿ, hiān-chāi goá ê khui-lát iā sī án-ni. ¹²Kiū lí ēng Iâ-hô-hoa hit-jit só· kóng ê soaⁿ-toē hō· goá; in-ūi hit-jit lí iā ū thiaⁿ-kìⁿ; tī-hia ū A-láp chòk ê lāng, i ê siāⁿ khoah-toā kian-kò; nā Iâ-hô-hoa kap goá tē-teh, goá chiū beh koáⁿ in chhut, chiàu Iâ-hô-hoa só· kóng ê. ¹³Iok-su-a chiū kâ i chiok-hok, ēng Hi-pek-lūn hō· Iâ-hu-ni

ê kiáⁿ Ka-lék choè-giáp. ¹⁴Só·í Hi-pek-lùn choè Ki-ni-sé chók Iâ-hu-ni ê kiáⁿ Ka-lék ê sán-giáp, tit-kàu kin-á-jit; in-úi i choan-sim kun-tè Iâ-hô-hoa Í-sek-liát ê Siông-tè. ¹⁵Hi-pek-lùn chêng kiò Ki-liát-a-pa; chit ê A-pa sī A-láp chók-tiong tē-it toā ê lāng. Tùi án-ni kok-lāi thài-pêng, bô koh kau-chiàn.

15 Iû-tāi chi-phài chiàu chong-chók liam-khau só· tit-tiòh ê toē, sī tī kék lâm--sì, kàu Í-tong ê kau-kài, òng-lâm tit-kàu Sím ê không-iá. ²In lâm--sì ê kài, sī tùi Iâm-hái ê kék-thâu, chiū-sī òng-lâm ê hái-oan; ³thàng-kàu A-khek-láh-pin soaⁿ-phiâⁿ ê lâm--sì, liên-kàu Sím, chiūⁿ-kàu Ka-te-su-pa-ni-a ê lâm--sì, koh kè Hi-su-lùn, chiūⁿ kàu A-tát-jíⁿ, sèh kàu Kah-ka; ⁴liên kàu Ap-bún, thàng-kàu Ai-kip ê sió-hô, chit ê kài kàu hái ùi-chí; che chiū-sī lín lâm--sì ê kài; ⁵tang--sì ê kài, chiū-sī Iâm-hái, kàu Iok-tàn hô-kháu; pak--sì ê kài, sī tùi Iok-tàn hô-kháu ê hái-oan khí; ⁶chiūⁿ-kàu Pek-hat-láh, kè Pek-a-láh-pa ê pak--sì, chiūⁿ-kàu Liû-piân ê kiáⁿ Pho-hán ê chiòh-poân; ⁷hit ê kài koh tùi A-kat ê soaⁿ-kok chiūⁿ-kàu Tí-phek, tùi pak--sì chiūⁿ-khì, òng A-to·bêng ê soaⁿ-phiâⁿ tùi-bīn ê Kiat-kah, tī hô ê lâm-pêng ê; hit ê kài kàu Ún-sī-bék ê chúí, kàu Ún-lô-kiat ùi-chí; ⁸chit ê kài keng-kè Piân-him-lùn ê soaⁿ-kok, chiū kàu Iâ-pò·su soaⁿ-kíⁿ ê lâm--sì, (Iâ-pò·su chiū-sī Iâ-lô·sat-léng); hit ê kài koh chiūⁿ-kàu Piân-him-lùn soaⁿ-kok sai--sì ê soaⁿ-téng, chiū-sī Lī-hoat-im soaⁿ-kok pak--sì ê kék-thâu; hit ê kài koh tùi soaⁿ-téng kàu Nī-hut-to-a ê chúí-choân, thàng-kàu Í-hut-lùn soaⁿ hiah ê siâⁿ; hit ê kài koh kàu Pa-láh, (Pa-láh chiū-sī Ki-liát-iâ-lim); ¹⁰hit ê kài koh tùi Pa-láh òng sai--sì sèh kàu Se-jíⁿ soaⁿ, kè-kàu Iâ-lim soaⁿ-piⁿ ê pak-pêng (Iâ-lim chiū-sī Ki-sat-lùn), koh lóh-

khì kàu Pek-sī-bék, keng-kè Têng-láp; ¹¹hit ê kài koh thàng-kàu Í-kek-lùn piⁿ-á ê pak--sì, hit ê kài soà kàu Si-kí-lùn, keng-kè kàu Pa-láh soaⁿ, koh thàng-kàu Ngá-pí-liap; chit ê kài kàu hái ùi-chí; ¹²sai--sì ê kài kàu toā-hái, kap i ê hái-kíⁿ. Che sī Iû-tāi lāng, chiàu in ê chong-chók, sì-úi ê kau-kài.

¹³Chiàu Iâ-hô-hoa bêng-lēng Iok-su-a ê, i chiū tī Iû-tāi ê chók-tiong, chiong chit-hūn hō· Iâ-hu-ni ê kiáⁿ Ka-lék choè-giáp, chiū-sī Ki-liát-a-pa, iā miâ Hi-pek-lùn; A-pa sī A-láp chók ê chók. ¹⁴Ka-lék tùi hia koáⁿ-chhut A-láp saⁿ ê kiáⁿ, chiū-sī Sī-su, A-hi-bān, That-mái, lóng sī A-láp ê kiáⁿ. ¹⁵Koh tùi hia chiūⁿ-khì kóng Tí-phek khiā-khí ê peh-siⁿ; chit ê Tí-phek chêng miâ kiò Ki-liát-se-hut. ¹⁶Ka-lék kóng, Nā ũ lāng phah Ki-liát-se-hut lāi chhú i, goá beh chiong goá ê cha-bó·-kiáⁿ Ap-sat hō· i choè-bó·. ¹⁷Ka-lék ê hiaⁿ-tī Ki-láp-su ê kiáⁿ Gô-tô-liap chhú i; i chiū chiong i ê cha-bó·-kiáⁿ Ap-sat hō· i choè-bó·. ¹⁸Ap-sat kè mng ê sī, khng tiōng-hu tùi in lāu-pē thó chit khu chhân; Ap-sat tùi lū lóh--lāi; Ka-lék mng kóng, Lí beh sím-mih ah? ¹⁹I kóng, Kiû lí sù-hok goá; lí í-keng an-tì goá tī lâm-hng ê toē, kiû lí hō· goá chúí-choân. I chiū ēng téng ê chúí-choân, ē ê chúí-choân hō· i.

²⁰Che sī Iû-tāi lāng ê chi-phài só· tit-tiòh ê giáp, chiàu i ê chong-chók.

²¹Iû-tāi lāng ê chi-phài lâm--sì kék-thâu ê siâⁿ, kap Í-tong kau-kài saⁿ-kūn ê, chiū-sī Kah-siat, Í-tek, Ngá-ko·-jíⁿ; ²²Ki-ná, Tí-mô·-ná, A-tāi-tát; ²³Ki-te-su, Hā-só, Í-thê-lâm; ²⁴Se-hut, Thê-liân, Pí-a-liók; ²⁵Hā-só-hap-tāi-tha, Ka-liók-hi-su-lùn, (chiū-sī Hā-só); ²⁶A-bān, Sī-má, Mô·láh-tāi; ²⁷Hap-sat-ka-tāi, Hek-sit-būn, Pek-phàⁿ-liát; ²⁸Hap-sat-su-a, Piát-sī-pa, Pí-su-iok-tha; ²⁹Pa-láh, Í-in,

Í-sim; ³⁰I-lék-to-liáp, Ki-sit, Hô-jíⁿ-má; ³¹Sé-kek-láh, Bék-má-ná, Sam-sat-ná; ³²Lī-pa-bút, Sít-him, A-in, Lâm-bùn; kiōng jī-cháp-káu chō siāⁿ, kap in ê hiuⁿ-siā.

³³Tī píⁿ-iūⁿ ū Í-sít-tô, Só-láh, A-sít-ná; ³⁴Sat-lô-a, Ún-kan-lêng, Tha-phó[·]-a, Í-lâm; ³⁵Iâ-boát, A-tō[·]-lân, So-ko, A-se-ka; ³⁶Sa-láh-im, A-tí-tha-im, Ki-tí-láh, Ki-tí-lô-tha-im; kiōng chap-sì chō siāⁿ, kap i ê hiuⁿ-siā.

³⁷Sé-lâm, Hap-tāi-sa, Bék-tāi-ka-tek; ³⁸Tí-liân, Bí-su-pa, Iok-thiap; ³⁹Láh-kiat, Pho-su-ka, I-ki-lún; ⁴⁰Ka-pún, Láh-bân, Ki-thê-lī; ⁴¹Ki-te-lô, Pek-tāi-kún, Ná-má, Má-ki-tāi; kiōng chap-lák chō siāⁿ, kap i ê hiuⁿ-siā.

⁴²Líp-ná, Í-thiap, A-san; ⁴³Ek-hut-tha, A-sít-ná, Nì-sek; ⁴⁴Ki-i-láh, A-kek-sek, Má-lī-sa; kiōng káu chō siāⁿ, kap i ê hiuⁿ-siā.

⁴⁵Koh ū Í-kek-lún kap i ê koe-chhī, i ê hiuⁿ-siā; ⁴⁶tùi Í-kek-lún kàu hái, it-chhè oá-kūn A-sít-tút ê, kap i ê hiuⁿ-siā.

⁴⁷A-sít-tút kap i ê koe-chhī, i ê hiuⁿ-siā; Ka-sat, kap i ê koe-chhī, i ê hiuⁿ-siā; kàu Ai-kíp sió-hô, kap toā-hái, í-kíp i ê hái-kíⁿ.

⁴⁸Tī soaⁿ-toē ū Sa-bit, Ngá-thê-jíⁿ, So-ko; ⁴⁹Tāi-ná, Ki-liát-sat-ná, chiū-sī Tí-phek; ⁵⁰A-ná-pek, Í-sít-thê-bók, A-liām; ⁵¹Ko-san, Hô-lún, Ki-lô; kiōng chap-it chō siāⁿ, kap i ê hiuⁿ-siā.

⁵²Koh ū A-láh, Tō[·]-má, Í-san; ⁵³Ngá-lông, Pek-tha-phó[·]-a, A-hui-ka; ⁵⁴Hông-tha, Ki-liát-a-pa, chiū-sī Hi-pek-lún, Sé-jíⁿ; kiōng káu chō siāⁿ, kap i ê hiuⁿ-siā.

⁵⁵Koh ū Má-hùn, Ka-bit, Se-hut, Iū-tha; ⁵⁶Iâ-su-liát, Iok-tiân, Sat-lô-a; ⁵⁷Kai-ún, Kí-pí-a, Têng-láp; kiōng chap chō siāⁿ, kap i ê hiuⁿ-siā.

⁵⁸Koh ū Hap-hut, Pek-siok, Ki-tút; ⁵⁹Má-liáp, Pek-a-lók, Í-lék-thê-kun; kiōng lák ê

siāⁿ, kap i ê hiuⁿ-siā.

⁶⁰Koh ū Ki-liát-pa-lék, chiū-sī Ki-liát-iâ-lim, Láh-pa; kiōng nng chō siāⁿ, kap i ê hiuⁿ-siā.

⁶¹Tī khòng-iá ū Pek-a-láh-pa, Bit-teng, Se-ka-ka; ⁶²Lék-san, Iâm-siāⁿ, Ún-ki-tí; kiōng lák chō siāⁿ, kap i ê hiuⁿ-siā. ⁶³Lūn-kàu tiàm tī Iâ-lō[·]-sat-léng ê Iâ-pò[·]-su lāng, Iū-tāi lāng boē-oē koáⁿ in chhut-khì; chóng-sī Iâ-pò[·]-su tī Iâ-lō[·]-sat-léng kap Iū-tāi lāng saⁿ-kap khiā-khí tit-kàu kin-á-jit.

16 Iok-sek ê kiáⁿ-sun liam-khau só[·] tit-tiòh ê toē, sī tùi oá-kūn Iâ-lī-ko ê Iok-tàn hô khí, tī Iâ-lī-ko chúi ê tang-pêng, tùi Iâ-lī-ko chiūⁿ--khì, thàng-kè soaⁿ-toē ê khòng-iá, kàu Pek-ték-lī; ²koh tùi Pek-ték-lī kàu Lō[·]-su, liân kàu A-ki lāng ê keng-kài, kàu A-tha-liók; ³koh òng-sai lóh-khì kàu Ap-lī-thê lāng ê keng-kài, kàu ē-bīn ê Pek-hô-lún ê keng-kài, tit-kàu Ki-sek, thàng-kàu hái ùi-chí. ⁴Iok-sek ê kiáⁿ Má-ná-se Í-hoat-liân chiū tit-tiòh che choē in ê giáp.

⁵Í-hoat-liân kiáⁿ-sun ê keng-kài, chiàu in ê chong-chòk só[·] tit-tiòh ê, kì tī ē-bīn; in ê giáp tang-sì ê kài sī A-tha-liók-a-tát kàu téng-bīn ê Pek-hô-lún; ⁶hit ê kài òng sai thàng-kàu pak-pêng ê Bit-bí-tha, hit ê kài òng tang sèh kàu Tha-láp-sī-lô, koh liân kàu Ngá-lô-hap ê tang-pêng. ⁷Tùi Ngá-lô-hap lóh--khì kàu A-tha-liók, koh kàu Ná-láh, thau-kàu Iâ-lī-ko, thàng-kàu Iok-tàn ùi-chí. ⁸Hit ê kài tùi Tha-phó[·]-a òng-sai, kàu Ka-ná hô, thàng-kàu hái ùi-chí. Che chiū-sī Í-hoat-liân lāng ê chi-phài, chiàu in ê chong-chòk, só[·] tit-tiòh ê giáp. ⁹Lēng-goā tī Má-ná-se kiáⁿ-sun ê giáp-tiong, ū hun-piat ê siāⁿ; hiah ê siāⁿ, kap i ê hiuⁿ-siā, lóng pun hō[·] Í-hoat-liân lāng. ¹⁰In bô koáⁿ-chhut tiàm tī Ki-sek ê Ka-lâm lāng;

chóng-sī Ka-lâm lêng tiàm tī Í-hoat-liân lêng ê tiong-kan, choè khó·-kang ê lô·-pòk, kàu kin-á-jît.

17 Che sī Má-ná-se ê chi-phài liam-khau só· tit-tiòh ê giáp; in-ūi i sī Iok-sek ê toā-kiáⁿ. Lūn-kàu Má-kiat, sī Má-ná-se ê toā-kiáⁿ, Ki-liát ê lāu-pē, in-ūi i sī íong-sū, chiū tit-tiòh Ki-liát kap Pa-san. ²Má-ná-se kī-ū ê kiáⁿ-sun, chiàu in ê chong-chòk, liam-khau pun-toē; chiū-sī A-pí-í-siā ê kiáⁿ-sun, Hi-lék ê kiáⁿ-sun, A-su-liát ê kiáⁿ-sun, Sī-kiàm ê kiáⁿ-sun, Hi-hut ê kiáⁿ-sun, Sī-bí-tāi ê kiáⁿ-sun; chiah-ê chiàu in ê chong-chòk, lóng sī Iok-sek ê kiáⁿ Má-ná-se ê ta-po·-teng. ³Má-ná-se ê goân-sun, Má-kiat ê cheng-sun, Ki-liát ê sun, Hi-hut ê kiáⁿ Se-lô-hui-hap bô kiáⁿ, chí-ū cha-bó·-kiáⁿ; i ê cha-bó·-kiáⁿ miâ-kiò Má-láh, Ná-a, Hat-láh, Bít-ka, Tek-sat. ⁴In lâi kàu chè-si Í-lī-a-sat kap Lūn ê kiáⁿ Iok-su-a, kap cheng siú-léng ê bīn-chêng, kóng, Iâ-hô-hoa bat bēng-lēng Mô·-se, tī goán hiaⁿ-tī-tiong pun giáp hō· goán; i chiū chiàu Iâ-hô-hoa só· bēng-lēng ê, tī in lāu-pē ê hiaⁿ-tī-tiong, pun giáp hō· in. ⁵Tī Iok-tàn hit-pêng, Ki-liát kap Pa-san toē í-goā, Má-ná-se koh liam-khau tit-tiòh chấp-hūn ê toē. ⁶In-ūi Má-ná-se hiah ê cha-bó·-sun, tī Má-ná-se ê kiáⁿ-sun-tiong, tit-tiòh giáp. Ki-liát toē sī siók Má-ná-se kī-ū ê kiáⁿ-sun.

⁷Má-ná-se ê toē-kài, tùi A-siat khí, kàu Sī-kiàm ê thâu-chêng ê Bít-bí-tha, hit ê kài òng chiàⁿ-chhiú-pêng, kàu Ún-tha-phó·-a khiā-khí ê peh-siⁿ hia. ⁸Tha-phó·-a ê toē kui Má-ná-se; tók-tók Má-ná-se ê kau-kài ê Tha-phó·-a kui Í-hoat-liân ê kiáⁿ-sun. ⁹I ê kài lóh-khì kàu Ka-ná hô; tī hô ê lâm-pêng, tī Má-ná-se hiah ê siáⁿ ê tiong-kan, chiah ê siáⁿ sī siók Í-hoat-liân; Má-ná-se ê toē-kài sī tī hô ê pak-

-sì, thàng-kàu hái ùi-chí. ¹⁰Lâm siók Í-hoat-liân, pak siók Má-ná-se, ēng hái choè i ê kài; pak-pêng kàu A-siat, tang-pêng kàu Í-sat-ka. ¹¹Má-ná-se tī Í-sat-ka kap A-siat ê keng-lāi, ū Pek-siān kap i ê huiⁿ-siā, Í-pek-liân kap i ê huiⁿ-siā, Tô-jíⁿ khiā-khí ê peh-siⁿ kap i ê huiⁿ-siā; koh ū saⁿ só·-chāi soaⁿ-toē, chiū-sī Ún-to-jíⁿ kap i ê huiⁿ-siā, Tha-láp khiā-khí ê peh-siⁿ kap i ê huiⁿ-siā, Bí-kiat-to khiā-khí ê peh-siⁿ kap i ê huiⁿ-siā. ¹²Chóng-sī Má-ná-se ê kiáⁿ-sun boē-oē koáⁿ-chhut hiah ê siáⁿ ê peh-siⁿ; Ka-lâm lêng koat-ì beh tiàm tī hit ê toē; ¹³kàu Í-sek-liát lêng kiông-sēng ê sī chiū hō· Ka-lâm lêng choè khó·-kang, bô it-chīn koáⁿ in chhut.

¹⁴Iok-sek ê kiáⁿ-sun tùi Iok-su-a kóng, Iâ-hô-hoa pêng-sī sù-hok goán, goán chiū chiàⁿ-choè toā-chòk, lí siáⁿ-sū kan-ta ēng chít-khau ê hūn-giáh hō· goán choè-giáp ah? ¹⁵Iok-su-a tùi in kóng, Lín nā kó-jiân chiàⁿ-choè toā-chòk, Í-hoat-liân toē tùi tī lín sī khah oēh-soē, chiū lí thang chiū--khì chhiū-nâ, tī Pí-lī-sé lêng, Lī-hoat-im lêng ê toē, tī-hia ūi ka-kī lâi khai-khún. ¹⁶Iok-sek ê kiáⁿ-sun kóng, Hit ê toē bô kàu-giáh iông-ún goán; koh tiàm tī pīⁿ-iūⁿ ê Ka-lâm lêng, chiū-sī tiàm-tī Pek-siān kap i ê huiⁿ-siā, kap tiàm Iâ-su-liát pīⁿ-iūⁿ ê lêng, lóng ū thih-chhia. ¹⁷Iok-su-a tùi Iok-sek ê ke, chiū-sī Í-hoat-liân kap Má-ná-se ê lêng, kóng, Lí sī toā-chòk koh kiông-sēng; m̄-nā chít-khau ê hūn-giáh, soaⁿ-toē iā beh kui lí; sui-jiân sī chhiū-nâ lí iā thang chhò i; i ê kék-thâu iā beh siók lí; Ka-lâm lêng sui-jiân ū thih-chhia, koh kiông-sēng, lí iā oē koáⁿ in chhut-khì.

18 Í-sek-liát lêng ê choân-hoē lóng chū-chíp tī Sī-lô, tah hoē-bō· tī-hia; in-ūi toē-hng í-keng hō· in khah-iāⁿ. ²Í-sek-liát lêng tiong,

iáu ū chhit chi-phài bē tit-tiòh in ê giáp. ³Iok-su-a tùi Í-sek-liát lāng kóng, Iâ-hô-hoa, lín liát-chó· ê Siōng-tè, só· siúⁿ-sù lín ê toē, lín iân-chhiân m̄-khì chhú i, beh kàu tī-sī ah? ⁴Lín ták chi-phài tiòh kóng saⁿ-lāng, goá beh chhe in khi; in chiū khí-sin piàn-kiâⁿ hit ê toē, chiàu in ê hūn-giáh ũi-tô·, chiū tò--lāi goá chia. ⁵In tiòh chiong toē pun choè chhit-hūn; Iû-tāi iû-goân tī lām-hng, tiàm tī i ê kóng-lāi; Iok-sek ke iû-goân tī pak-hng tiàm tī i ê kóng-lāi. ⁶Lín tiòh chiong toē pun choè chhit-hūn, ũi-tô· thêh--lāi chia; goá chiū beh tī Iâ-hô-hoa lán Siōng-tè ê bīn-chêng kā lín liam-khau. ⁷Tòk-tók Lī-bī lāng tī lín tiong-kan bô hūn, in-ũi Iâ-hô-hoa chè-si ê chit chiū-sī in ê giáp; Ka-tek Liū-piān kap Má-ná-se poàⁿ-chi-phài, í-keng tī Iok-tàn hit-pêng tang--sì tit-tiòh toē choè-giáp, chiū-sī Iâ-hô-hoa ê lô·pók Mô·se só· hō· in ê. ⁸Hiah ê lāng khí-sin khi; Iok-su-a bēng-lēng hiah-ê khi beh ũi tē-tô· ê lāng kóng, Lín khi piàn-kiâⁿ hit ê toē, ũi-tô· tò-túg-lāi goá chia; goá beh tī Sī-lô chia, Iâ-hô-hoa ê bīn-chêng, kā lín liam-khau. ⁹In chiū khi, piàn-kiâⁿ hit ê toē, chiàu in ê siâⁿ ũi-choè chhit-hūn, kì tī chheh--nih, tò-túg kàu Sī-lô ê iâⁿ-tiong, kìⁿ Iok-su-a. ¹⁰Iok-su-a chiū tī Sī-lô Iâ-hô-hoa ê bīn-chêng, kā in liam-khau; Iok-su-a tī-hia pun-toē hō· Í-sek-liát lāng, chiàu in ê chong-chók. ¹¹Kā Piān-ngá-bín ê chī-phài liam-khau, chiàu in ê chong-chók só· tit-tiòh ê toē; hit ê kài sī tī Iû-tāi ê kiáⁿ-sun, Iok-sek ê kiáⁿ-sun ê tiong-kan. ¹²In pak-pêng ê kài, sī tùi Iok-tàn hô khí; i ê kài chiūⁿ--khi kàu Iâ-lī-ko piⁿ-á ê pak--sì, koh chiūⁿ--khi, poâⁿ-kè soaⁿ, òng sai--sì khi, tít-tít kàu Pek-a-būn ê không-ia. ¹³Hit ê kài tùi-hia khi kàu Lō·su, kàu Lō·su lām--sì ê piⁿ-á (Lō·su chiū-sī Pek-ték-lī). I ê

kài koh lōh--khi kàu A-tha-liók-a-tát, oá-kūn ē-bīn ê Pek-hô-lūn lām-pêng ê soaⁿ; ¹⁴i ê kài tùi sai--sì oat-lōh lām, tùi Pek-hô-lūn thâu-chêng lām--sì ê soaⁿ, tít-kàu Iû-tāi lāng ê siâⁿ Ki-liát-pa-lèk, (chiū-sī Ki-liát-iâ-līm); che sī in sai--sì ê kài. ¹⁵Lām-pêng sī tùi Ki-liát-iâ-līm ê kék-thâu khí; i ê kài tùi sai--sì chhut, kàu Nī-hut-to-a ê chúi-choâⁿ; ¹⁶i ê kài koh lōh-khi kàu Piān-him-lūn soaⁿ-kok tùi-bīn ê soaⁿ-piⁿ, chiū-sī Lī-hoat-im soaⁿ-kok pak--sì ê soaⁿ; koh lōh-khi kàu Him-lūn soaⁿ-kok, kàu Iâ-pò·su ê lām-pêng; koh lōh-khi kàu Ún-lô-kiat; ¹⁷koh tùi pak--sì chhut-khi kàu Ún-sī-lèk, chhut--khi kàu A-to·-bêng soaⁿ-phiâⁿ tùi-bīn ê Ki-lī-liók, koh lōh--khi kàu Liū-piān ê kiáⁿ Pho-hán ê chiòh-poâⁿ. ¹⁸Koh khi A-láh-pa tùi-bīn pak--sì ê piⁿ-á, lōh-khi kàu A-láh-pa; ¹⁹i ê kài kàu Pek-hat-láh pak--sì ê piⁿ-á; chit ê kài tít-tít kàu Iâm-hái pak-pêng ê hái-oan, chiū-sī Iok-tàn lām--sì ê hô-kháu; che sī i lām-pêng ê kài; ²⁰tang-pêng ê kài kàu Iok-tàn hô. Che sī Piān-ngá-bín lāng ê giáp, chiàu in ê chong-chók, in sì-ũi ê kau-kài.

²¹Piān-ngá-bín ê chi-phài chiàu in ê chong-chók só· tit-tiòh ê siâⁿ, chiū-sī Iâ-lī-ko, Pek-hat-láh, I-bék-ki-sek; ²²Pek-a-láh-pa, Sé-má-liám, Pek-ték-lī; ²³A-būn, Pa-láh, Gô-hut-láh; ²⁴Ki-hoat-a-mô·nī, Gô-hut-nī, Ka-pa; kiōng chấp-jī chō siâⁿ, kap i ê huiⁿ-siâ. ²⁵Koh ũ Ki-piàn, Láh-má, Pí-lók; ²⁶Bí-su-pa, Ki-hui-láh, Mô·sat; ²⁷Lī-kian, I-lī-pì-lèk, Tha-láh-láh; ²⁸Sé-láh, Í-lī-hut, Iâ-pò·su, chiū-sī Iâ-lō·sat-léng, Ki-pí-a, Ki-liát; kiōng chấp-si chō siâⁿ, kap i ê huiⁿ-siâ. Che sī Piān-ngá-bín lāng só· tit-tiòh ê giáp, chiàu in ê chong-chók.

19 Tē-jī pái liam-khau sī ũi-tiòh Se-biān, chiū-sī ũi-tiòh Se-biān lāng ê chi-phài; chiàu in ê chong-chók. In ê giáp sī tī Iû-tāi lāng ê

giáp ê tiong-kan. ²In só· tit-tiòh ê sán-giáp, chiū-sī Piát-sī-pa, Sī-pa, Mô·láh-tāi; ³Hap-sat-su-a, Pa-láh, Í-sim; ⁴I-lī-to-láh, Pí-thó·lèk, Hô-jí^m-má; ⁵Sé-kek-láh, Pek-má-ka-phok, Hap-sat-so·sat; ⁶Pek-lī-pa-bút, Sa-ló·hiám; kiōng cháp-saⁿ chō siāⁿ, kap i ê hiuⁿ-siā. ⁷A-in, Lī-bûn, Í-thiap, A-san; kiōng sī chō siāⁿ, kap i ê hiuⁿ-siā; ⁸kap chiah ê siāⁿ sī-tūi it-chhè ê hiuⁿ-siā, tít-kàu Pa-láh-pí-jí^m lâm--sì ê Láh-má. Che sī Se-biān lāng ê chi-phài só· tit-tiòh ê giáp, chiàu in ê chong-chók. ⁹Se-biān lāng ê giáp sī tui Iū-tāi lāng ê giáp-tiong tit-tiòh ê; in-tūi Iū-tāi lāng ê hūn-giáp siuⁿ-choē; só·í Se-biān lāng tī in ê giáp-tiong tit-tiòh giáp.

¹⁰Tē-saⁿ pái liam-khau sī ūi-tiòh Se-pò·lūn lāng, chiàu in ê chong-chók. ¹¹In ê giáp ê toē-kài sī kàu Sat-lip; in ê kài sai--sì chiūⁿ-khì kàu Má-láh-láh, thàu-kàu Tāi-pa-siat, koh thàu-kàu Iok-liām thâu-chêng ê khoe; ¹²koh tui Sat-lip oat tui tang--sì, òng jít-chhut ê só·chāi, kàu Kiat-su-liók-tha-pók ê kau-kài; koh thàng-kàu Tāi-pi-láh, chiūⁿ kàu Ngá-hui-a. ¹³Tui hia òng-tang khì kàu Ka-ték-hí-hut, koh kàu Í-ték-ka-sin, koh chhut-khì Līm-bûn, thàng-kàu Nī-a; ¹⁴hit ê kài tui pak-hng seh i, kàu Hap-ná-tùn, thàng-kàu I-hut-tha-i-lèk ê soaⁿ-kok chí; ¹⁵iáu ū Ka-tha, Ná-hap-láh, Sin-lūn, Í-tāi-láh, Pek-lī-hêng; kiōng cháp-jī chō siāⁿ, kap in ê hiuⁿ-siā. ¹⁶Chiah ê siāⁿ, kap in ê hiuⁿ-siā, chiū-sī Se-pò·lūn lāng só· tit-tiòh ê giáp, chiàu in ê chong-chók.

¹⁷Tē-sī pái liam-khau ūi-tiòh Í-sat-ka, chiū-sī ūi-tiòh Í-sat-ka lāng, chiàu in ê chong-chók; ¹⁸in ê toē-kài ū Iá-su-liát, Ki-so·lút, Su-liām; ¹⁹Hap-hut-liân, Sī-àn, A-ná-hap-láh; ²⁰Láh-phek, Ki-siān, A-piát; ²¹Lī-biát, Ún-kan-lêng, Ún-hap-tāi, Pek-phàⁿ-siat; ²²hit ê kau-kài kàu Tha-pók, Sa-hap-sé-má, Pek-sī-

bék; in ê kài ê kék-thâu sī tī Iok-tàn; kiōng cháp-lák chō siāⁿ, kap in ê hiuⁿ-siā. ²³Chiah ê siāⁿ, kap in ê hiuⁿ-siā, chiū-sī Í-sat-ka lāng ê chi-phài só· tit-tiòh ê giáp, chiàu in ê chong-chók.

²⁴Tē-gō· pái liam-khau sī ūi-tiòh A-siat lāng ê chi-phài, chiàu in ê chong-chók. ²⁵In ê toē-kài sī Hek-kah, Hap-lī, Pí-tiān, Ap-soah; ²⁶A-láh-bí-lèk, A-boát, Bí-sa-lèk, òng sai--sì kàu Ka-bít, koh kàu Hi-hat-lip-láp; ²⁷oat òng jít-chhut ê só·chāi, kàu Pek-tāi-kún, thàng-kàu Se-pò·lūn, oat pak--sì kàu I-hut-tha-i-lèk soaⁿ-kok, kàu Pek-í-bék, kap Nī-giáp, iā thàng-kàu Ka-pō·lèk ê tò-pêng. ²⁸Koh kàu Gī-pek-lūn, Lī-háp, Hap-bûn, Ka-ná, tít-kàu Se-tùn ê toā-siāⁿ. ²⁹Hit ê kài oat kàu Láh-má, kap kian-kò· ê siāⁿ Chhui-lò; hit ê kài koh seh kàu Hô-sat; i ê kék-thâu kàu tī hái, kūn A-hek-sek it-tài ê toē-hng; ³⁰koh ū O·má, A-hut, Lī-háp; kiōng jī-cháp-jī chō siāⁿ, kap i ê hiuⁿ-siā. ³¹Chiah ê siāⁿ, kap in ê hiuⁿ-siā, chiū-sī A-siat lāng ê chi-phài só· tit-tiòh ê giáp, chiàu in ê chong-chók.

³²Tē-lák pái liam-khau ūi-tiòh Ná-hut-tha-lī lāng, chiū-sī Ná-hut-tha-lī ê lāng, chiàu in ê chong-chók. ³³In ê kài sī tui Hi-lī-hut, tui Sat-ná-im ê siōng-chhiū, tui A-tāi-bí-ni-kiat, kap Ngá-pí-liap, tít-kàu Láh-kiōng, thàng-kàu Iok-tàn hô; ³⁴hit ê kài oat òng sai--sì, kàu A-su-láp-tha-pók; tui hia chhut-khì kàu Hō·kat, lâm-pêng kàu Se-pò·lūn, sai-pêng kàu A-siat; koh òng jít-chhut ê só·chāi, thàu-kàu Iok-tàn hô hia, kàu Iū-tāi. ³⁵Kian-kò· ê siāⁿ chiū-sī Se-teng, Chhek-jíⁿ, Hap-boát, Láh-kah, Kī-nī-liát; ³⁶A-tāi-má, Láh-má, Hā-só; ³⁷Ki-te-su, Í-tek-lái, Ún-hā-só; ³⁸Í-lī-ún, Bít-tāi-i-lèk, Hô-liân, Pek-a-láp, Pek-sī-bék; kiōng cháp-káu chō siāⁿ, kap in ê hiuⁿ-siā. ³⁹Chiah ê siāⁿ

kap in ê hiuⁿ-siā chiū-sī Ná-hut-tha-lī lāng ê chi-phài só· tit-tiòh ê giáp, chiàu in ê chong-chók.

⁴⁰Tē-chhit pái liam-khau ūi-tiòh Tàn ê kiáⁿ-sun ê chi-phài, chiàu in ê chong-chók. ⁴¹In ê giáp ê toē-kài sī Só-láh, Í-sit-tô, I-jīⁿ-sī-bék; ⁴²Sa-láh-pin, A-ngá-lún, I-thê-láh; ⁴³Í-lún, Tēng-ná-tha, Í-kek-lún; ⁴⁴I-lī-thê-ki, Kì-pí-tùn, Pa-láh; ⁴⁵I-ô·-tek, Pí-nī-pí-láh, Ka-ték-lím-bún; ⁴⁶Bí-iā-khun, Láh-khun, kap Iok-phàⁿ tui-bīn ê toē-kài. ⁴⁷Tàn ê kiáⁿ-sun ê toē-kài poáⁿ-kè in ê pún-giáp; in-ūi Tàn ê kiáⁿ-sun chiūⁿ--khì kong-kek Lī-siān, lāi chhú i, ēng to thāi siāⁿ-lāi ê lāng, tit-tiòh hit ê siāⁿ; ēng in chók-kong Tàn ê miā kiò Lī-siān choē Tàn. ⁴⁸Chiah ê siāⁿ, kap in ê hiuⁿ-siā, chiū-sī Tàn ê kiáⁿ-sun ê chi-phài só· tit-tiòh ê giáp, chiàu in ê chong-chók.

⁴⁹In chiàu toē-kài pun toē choē-giáp í-keng oân, Í-sek-liát lāng chiū tī in tiong-kan chiong toē hō· Lùn ê kiáⁿ Iok-su-a choē-giáp. ⁵⁰Chiàu Iā-hô-hoa ê bēng-lēng, chiong i só· kiū ê siāⁿ hō· i, chiū-sī Í-hoat-liân soaⁿ-toē ê Tēng-ná-se-láh; i chiū khí hit ê siāⁿ, tiàm tī hit tiong-kan.

⁵¹Chiah-ê chiū-sī chē-si Í-lī-a-sat, kap Lùn ê kiáⁿ Iok-su-a, í-kiap Í-sek-liát lāng chi-phài-tiong ê chók-tiúⁿ, tī Sī-lô, tī hoē-bō· mng-kháu, Iā-hô-hoa ê bīn-chēng, liam-khau só· pun ê giáp. Án-ni in pun-oân hit ê toē.

20 Iā-hô-hoa hoan-hù Iok-su-a kóng, Lí hoan-hù Í-sek-liát lāng, kóng, Lín tiòh chiàu Goá thok Mô·se só· kā lín kóng ê, ūi ka-kī siat-líp tô-siám ê siāⁿ; ³hō· hit ê bô-ì-tiong chhò-gō· thāi-lāng-ê, thang cháu kàu hia; hiah ê siāⁿ thang choē lín siám-pī pò-jīn-bēng ê lāng ê só·-chāi. ⁴I beh cháu kàu chiah ê siāⁿ ê chit-ê, khiā tī siāⁿ-mng-kháu, chiong i ê

sū-chēng kóng hō· hit ê siāⁿ ê tiúⁿ-ló thiaⁿ; in chiū siu i jip siāⁿ, hō· i chit só·-chāi, hō· i tiàm tī in tiong-kan. ⁵Pò-jīn-bēng-ê nā tui-jip i, in m̄-thang ēng thāi-lāng-ê kau tī i ê chhiú; in-ūi i chhò-gō· thāi-sí i ê chhù-piⁿ, pēng-sò· bô oân-hūn i. ⁶I beh toà tī hit ê siāⁿ, thēng-hāu khiā tī hoē-chiòng ê bīn-chēng siū sím-phoàⁿ, thēng-hāu hit-sí ê chē-si-tiúⁿ í-keng sí, thāi-lāng-ê chiah thang tò-khì kàu pún-siāⁿ, pún-ke, chiū-sī i só· tui hia cháu--chhut-lāi hit ê siāⁿ.

⁷In chiū tiāⁿ-tiòh siat tī Ná-hut-tha-lī soaⁿ-toē, tī Ka-lī-lī ê Kì-te-su, kap tī Í-hoat-liân soaⁿ-toē ê Sī-kiám, í-kiap tī Iū-tāi soaⁿ-toē ê Kì-liát-a-pa, chiū-sī Hī-pek-lún. Koh tī Iok-tàn hit-pēng, kūn Iā-lī-ko tang--sì, siat-líp siók Liū-piān chi-phài, tī khòng-iá, tī pīⁿ-iūⁿ ê Pí-sek; kap siók Ka-tek chi-phài Kì-liát ê Láh-boát; í-kiap siók Má-ná-se chi-phài, Pa-san ê Ko-lân. ⁹Chiah-ê sī ūi-tiòh Í-sek-liát chēng-lāng, kap kià-kha tī tiong-kan só· siat ê siāⁿ, hō· chhò-gō· thāi-lāng-ê lóng thang cháu kàu hia, bô sí tī pò-jīn-bēng ê lāng ê chhiú, thēng-hāu i khiā tī hoē-chiòng ê bīn-chēng.

21 Hit-sí Lī-bī lāng chiah ê chók-tiúⁿ chiū kūn chē-si Í-lī-a-sat, kap Lùn ê kiáⁿ Iok-su-a, í-kiap Í-sek-liát lāng chi-phài chiah ê chók-tiúⁿ; ²tī Ka-lâm toē ê Sī-lô kā in kóng, Chēng Iā-hô-hoa thok Mô·se hō· goán ū siāⁿ thang khiā-khí, ū kau-iá thang choē chhī cheng-siⁿ ê lō·-ēng. ³Í-sek-liát lāng chiū chiàu Iā-hô-hoa só· bēng-lēng ê, tui ka-kī ê giáp-tiong, chiong ē-bīn só· kì chiah ê siāⁿ, kap in ê kau-iá, hō· Lī-bī lāng.

⁴Ūi Ko-hat chiah ê chók liam-khau; Lī-bī lāng tiong chē-si A-lún ê kiáⁿ-sun, tui Iū-tāi chi-phài, Se-biān chi-phài, Piān-ngá-bín chi-phài, liam-tiòh cháp-saⁿ chō siāⁿ.

⁵Ko-hat kî-û ê kiáⁿ-sun, tùi Í-hoat-liân chi-phài ê chong-chók, tùi Tàn ê chi-phài, tùi Má-ná-se poàⁿ-chi-phài, liam-tiòh chấp chō siâⁿ.

⁶Kek-sūn ê kiáⁿ-sun, tùi Í-sat-ka chi-phài ê chong-chók, tùi A-siat ê chi-phài, tùi Ná-hut-tha-lī ê chi-phài, tùi tiàm tī Pa-san ê Má-ná-se poàⁿ-chi-phài, liam-tiòh chấp-saⁿ chō siâⁿ.

⁷Bí-láh-lī ê kiáⁿ-sun, chiàu in ê chong-chók, tùi Liū-piān ê chi-phài, tùi Ka-tek ê chi-phài, tùi Se-pò-lūn ê chi-phài, tit-tiòh chấp-jī chō siâⁿ.

⁸Í-sek-liát lāng chiàu Iā-hô-hoa thok Mô-se só· bēng-lēng-ê, chiong chiah ê siâⁿ, kap in ê kau-iá, liam-khau pun hō· Lī-bī lāng. ⁹Koh tùi Iū-tāi kiáⁿ-sun ê chi-phài, Se-biān kiáⁿ-sun ê chi-phài, ē-bīn kī-miā hiah ê siâⁿ hō· in; ¹⁰chiū-sī hō· Lī-bī kiáⁿ-sun-tiong, Ko-hat chong-chók-tiong, A-lūn ê kiáⁿ-sun; in-tūi hō· in tāi-seng liam-khau; ¹¹ēng Iū-tāi soaⁿ-toē ê Kī-liát-a-pa, (chiū-sī Hi-pek-lūn,) kap i sī-ūi ê kau-iá, hō· in; A-pa sī A-láp chók ê chók. ¹²Tók-tók hit ê siâⁿ ê chhân, kap i ê hiuⁿ-siā, in hō· Iā-hu-nī ê kiáⁿ Ka-lék choè-giáp.

¹³Koh ēng Hi-pek-lūn, kap i ê kau-iá, chiū-sī thāi-sí-lāng tô-siám ê siâⁿ; í-kíp Líp-ná kap i ê kau-iá, hō· chè-si A-lūn ê kiáⁿ-sun; ¹⁴koh hō· in Ngá-thê-jíⁿ, kap i ê kau-iá, Í-sit-thê-bók, kap i ê kau-iá; ¹⁵Hô-lūn kap i ê kau-iá, Tí-phek kap i ê kau-iá; ¹⁶A-in, kap i ê kau-iá, U-tha kap i ê kau-iá, Pek-sī-bék kap i ê kau-iá; kiōng káu chō siâⁿ, lóng sī tùi chí n̄ng chi-phài hō· in. ¹⁷Koh tùi Piān-ngá-bín ê chi-phài, hō· in Kī-piàn kap i ê kau-iá, Ka-pa kap i ê kau-iá; ¹⁸A-ná-tút kap i ê kau-iá, A-lék-būn kap i ê kau-iá, kiōng sī chō siâⁿ; ¹⁹A-lūn ê kiáⁿ-sun choè chè-si-ê só· tit-tiòh ê siâⁿ kiōng chấp-saⁿ chō siâⁿ, kap i ê kau-iá. ²⁰Lī-bī lāng Ko-hat kiáⁿ-sun ê chong-chók, chiū-sī

Ko-hat kî-û ê kiáⁿ-sun, liam-khau só· tit-tiòh ê siâⁿ sī tùi Í-hoat-liân chi-phài-tiong pun-chhut-ê. ²¹Koh ēng Í-hoat-liân soaⁿ-toē ê Sī-kiām, chiū-sī thāi-sí-lāng-ê tô-siám ê siâⁿ, kap in ê kau-iá, í-kíp Kī-sek kap i ê kau-iá; ²²Kī-pek-sian kap i ê kau-iá, Pek-hô-lūn kap i ê kau-iá hō· in; kiōng sī chō siâⁿ. ²³Koh tùi Tàn ê chi-phài-tiong, hō· in I-lī-thê-kī kap i ê kau-iá, Kī-pí-tūn kap i ê kau-iá; ²⁴A-ngá-lūn kap i ê kau-iá, Ka-ték-līm-būn kap i ê kau-iá; kiōng sī chō siâⁿ. ²⁵Koh tùi Má-ná-se poàⁿ-chi-phài-tiong hō· in Tha-láp kap i ê kau-iá, í-kíp Ka-ték-līm-būn kap i ê kau-iá; kiōng n̄ng chō siâⁿ. ²⁶Ko-hat ê kiáⁿ-sun kî-û ê chong-chók, só· tit-tiòh ê siâⁿ, kiōng chấp-chō, kap in ê kau-iá.

²⁷Koh tùi Má-ná-se poàⁿ-chi-phài ê giáp-tiong, chiong Pa-san ê Ko-lān, chiū-sī thāi-lāng-ê tô-siám ê siâⁿ, kap i ê kau-iá, í-kíp Pí-si-thê-láh kap i ê kau-iá, kiōng n̄ng chō siâⁿ, hō· Lī-bī chong-chók Kek-sūn ê kiáⁿ-sun. ²⁸Koh tùi Í-sat-ka chi-phài ê giáp-tiong, ēng Kī-siān kap i ê kau-iá, Tāi-pí-láh kap i ê kau-iá; ²⁹Iā-boát kap i ê kau-iá, Ún-kan-lēng kap i ê kau-iá, kiōng sī chō siâⁿ, hō· in. ³⁰Koh tùi A-siat chi-phài ê giáp-tiong, ēng Bí-sa-lék kap i ê kau-iá, Ap-tūn kap i ê kau-iá; ³¹Hek-kah kap i ê kau-iá, Lī-háp kap i ê kau-iá, kiōng sī chō siâⁿ, hō· in. ³²Koh tùi Ná-hut-tha-lī chi-phài ê giáp-tiong, ēng Ka-lī-lī ê Kī-te-su, chiū-sī thāi-lāng-ê tô-siám ê siâⁿ, kap i ê kau-iá, í-kíp Hap-boát-to-jíⁿ kap i ê kau-iá, Ka-jíⁿ-thán kap i ê kau-iá, kiōng saⁿ chō siâⁿ, hō· in. ³³Kek-sūn lāng ê siâⁿ chiàu i ê chong-chók, kiōng chấp-saⁿ chō siâⁿ kap i ê kau-iá.

³⁴Tùi Se-pò-lūn chi-phài ê giáp-tiong, chiong Iok-liām kap i ê kau-iá, Ka-jíⁿ-tha kap i ê kau-iá; ³⁵Teng-ná kap i ê kau-iá, Ná-hap-

lâh kap i ê kau-iá, kiông sî chō siâⁿ, hō· kí-û ê Lī-bī lāng, chiū-sī Bí-lâh-lī kiáⁿ-sun ê chong-chók. ³⁶Koh tùi Liū-piān chi-phài ê giáp-tiong, ēng Pí-sek kap i ê kau-iá, Ngá-cháp kap i ê kau-iá; ³⁷Ki-tí-bók kap i ê kau-iá, Bí-hoat-ap kap i ê kau-iá, kiông sî chō siâⁿ, hō· in. ³⁸Koh tùi Ka-tek chi-phài ê giáp-tiong, chiong Ki-liát ê Lâh-boát, chiū-sī thâi-sí-lāng ê tô-siám ê siâⁿ, kap i ê kau-iá, í-kíp Má-hap-liām kap i ê kau-iá; ³⁹Hi-sít-pún kap i ê kau-iá, Ngá-siā kap i ê kau-iá, kiông sî chō siâⁿ, hō· in. ⁴⁰Lī-bī lāng kí-û ê chong-chók, chiū-sī Bí-lâh-lī ê kiáⁿ-sun, chiàu in ê chong-chók, liam-khau só· tit-tiòh chiah ê siâⁿ, kiông chap-jī chō siâⁿ.

⁴¹Lī-bī lāng tī Í-sek-liát ê giáp-tiong só· tit-tiòh ê siâⁿ, kiông sî-cháp-poeh chō siâⁿ, kap in ê kau-iá. ⁴²Chiah ê siâⁿ sî-ûi lóng ū i ê kau-iá, ták-ê lóng sī án-ni.

⁴³Án-ni Iâ-hô-hoa chiong I chêng chiū-choā beh hō· in liát-chó· ê choân-toē, hō· Í-sek-liát lāng; in chiū tit-tiòh choē-giáp, tiām tī-hia khiā-khi. ⁴⁴Iâ-hô-hoa chiàu I tùi in ê liát-chó· it-chhè só· chiū-choā-ê, hō· in sî-ûi pēng-an; in ê tùi-ték bô chít-lāng oē khiā-tiâu tī in ê bīn-chêng; Iâ-hô-hoa chiong in ê tùi-ték lóng kau tī in ê chhiú. ⁴⁵Kìⁿ Iâ-hô-hoa tùi Í-sek-liát ke só· kóng ê hó-oē, bô chít-kù lók-khong, lóng ū èng-giām.

22 Hit-sī Iok-su-a kiò Liū-piān lāng, Ka-tek lāng, Kap Má-ná-se poàⁿ-chi-phài ê lāng lâi, ²tùi in kóng, Iâ-hô-hoa ê lô·pók Mô·se só· bēng-lēng lín ê, lín lóng chun-siú, goá só· bēng-lēng lín ê, lín iā lóng thiaⁿ-thàn; ³lín chiah-choē jít, lóng bô lī-khui lín ê hiaⁿ-tī, tit-kàu kin-á-jít, lín iā ū siú Iâ-hô-hoa lín Siōng-tè só· bēng-lēng lín tiòh siú ê. ⁴Taⁿ Iâ-hô-hoa lín Siōng-tè chiàu I só· èng-ún-ê, hō· lín

hiaⁿ-tī tit-tiòh pēng-an; taⁿ lín thang tò-túg-khì lín ê pò·pīⁿ, kàu Iâ-hô-hoa ê lô·pók Mô·se tī Iok-tàn hit-pēng só· sù-hō· lín choē-giáp ê toē. ⁵Chóng-sī lín chhiat-chhiat tiòh kín-sīn, chun-thàn Iâ-hô-hoa ê lô·pók Mô·se só· bēng-lēng lín ê kài-bēng lút-hoat, thiàⁿ Iâ-hô-hoa lín ê Siōng-tè, kiáⁿ I it-chhè ê tō-lō·, siú I ê kài-bēng, kiát-liân tī I, chīn-sim chīn-sèng hók-sāi I. ⁶Tùi án-ni Iok-su-a kā in chiok-hok, chhe in khì; in chiū tò--khì in ê pò·pīⁿ.

⁷Má-ná-se poàⁿ-chi-phài, Mô·se í-keng tī Pa-san pun-giáp hō· in; iáu poàⁿ-chi-phài Iok-su-a tī Iok-tàn hit-pēng sai--sì, tī in hiaⁿ-tī-tiong pun-giáp hō· in; Iok-su-a chhe in tò-khì pò·pīⁿ ê sī, kā in chiok-hok; ⁸hoan-hù in kóng, Lín tiòh toà choē-choē chài-bút, choē-choē cheng-siⁿ, kap gún, kim, tâng, thih, kap choē-choē i-hók, tò-khì lín ê pò·pīⁿ; chiong lín só· chhiúⁿ tùi-ték ê chong-bút, kap lín ê hiaⁿ-tī saⁿ-kap pun. ⁹Tùi án-ni Liū-piān lāng, Ka-tek lāng, Má-ná-se poàⁿ-chi-phài ê lāng, tùi Ka-lâm toē ê Sī-lô khí-sin, lī-khui Í-sek-liát lāng, beh tò--khì in tit-tiòh Ki-liát toē; chiū-sī chiàu Iâ-hô-hoa thok Mô·se só· bēng-lēng ê, tit-tiòh choē-giáp ê toē.

¹⁰Liū-piān lāng, Ka-tek lāng, kap Má-ná-se poàⁿ-chi-phài, kàu Iok-tàn hô·pīⁿ it-tài ê Ka-lâm toē, chiū tī kún Iok-tàn hia, khí chít chō toāⁿ, hit ê toāⁿ khoàⁿ-liáu chin-toā. ¹¹Í-sek-liát lāng thiaⁿ-kìⁿ kóng, Khoàⁿ ah, Liū-piān lāng, Ka-tek lāng, kap Má-ná-se poàⁿ-chi-phài ū khí chít chō toāⁿ tī Ka-lâm toē ê thâu-chêng, Iok-tàn ê pīⁿ-á, Í-sek-liát lāng kè-khì ê só·chāi. ¹²Í-sek-liát lāng thiaⁿ-kìⁿ, Í-sek-liát lāng choân-hoē lóng chū-chíp tī Sī-lô, beh chiūⁿ-khì kap in kau-chiàn.

¹³Í-sek-liát lāng chhe chē-si Í-lī-a-sat ê kiáⁿ Hui-nī-hap khì Ki-liát toē kìⁿ Liū-piān lāng,

Ka-tek lāng, Má-ná-se poàⁿ-chi-phài; ¹⁴koh chhe chap ê siú-léng kap i khi, chiū-sī Í-sek-liát ták chi-phài ták-chók chit ê siú-léng ták-lāng tī Í-sek-liát kun-tūi-tiong choè chók-tiúⁿ. ¹⁵In kàu Ki-liát toē, kìⁿ Liū-piān lāng, Ka-tek lāng, kap Má-ná-se poàⁿ-chi-phài, tui in kóng, ¹⁶Iâ-hô-hoa choân-hoē ê cheng-lāng án-ni kóng, Lín kan-hoân Í-sek-liát ê Siōng-tè, kin-á-jit oát-túg bô tè Iâ-hô-hoa, uī ka-kī khí chit chō toāⁿ, tì-kàu kin-á-jit poē-gék Iâ-hô-hoa, hoân-tiòh che sī sím-mih choē ah? ¹⁷Chá tui tī Pí-jíⁿ ê choē, lán iáu liáh-choē sió-khoá mah? Sui-jiân un-ék kàu Iâ-hô-hoa ê hoē-chiong, kàu kin-á-jit lán iáu-bē chheng-khi; ¹⁸lín kin-á-jit keng-jiân oát-túg bô tè Iâ-hô-hoa ah! lín kin-á-jit poē-gék Iâ-hô-hoa, bín-á-jit I beh siū-khi Í-sek-liát ê choân-hoē. ¹⁹Lín só· tit-tiòh choē-giap ê toē, nā bô chheng-khi, chiū thang kè-lái Iâ-hô-hoa ê toē ê giáp, chiū-sī Iâ-hô-hoa hoē-bō· só· tiām ê só·-chāi, tī goán tiong-kan tit-tiòh giáp; chóng-sī m̄-thang poē-gék Iâ-hô-hoa, iā m̄-thang poē-gék goán, m̄-thang tī Iâ-hô-hoa lán Siōng-tè ê toāⁿ í-goā, uī ka-kī koh khí toāⁿ. ²⁰Cheng Siā-láh ê cheng-sun A-kan, kiám bô tī hit ê eng-kai hiân ê mih hoân-choē, chiū ū siū-khi līm-kàu tī Í-sek-liát ê choân-hoē mah? hit ê lāng tī i só· hoân ê choē, m̄-nā i ka-kī chit-lāng sí.

²¹Tui án-ni Liū-piān lāng, Ka-tek lāng, Má-ná-se poàⁿ-chi-phài in Í-sek-liát kun-tūi ê thâu-lāng kóng, Choân-lêng ê Siōng-tè Iâ-hô-hoa, choân-lêng ê Siōng-tè Iâ-hô-hoa, I chai, Í-sek-liát iā beh chai, goán nā ū poē-gék ê ì-sù, á-sī kan-hoân Iâ-hô-hoa, ²³kin-á-jit bô kiù goán), uī ka-kī khí toāⁿ, beh oát-túg bô tè Iâ-hô-hoa, á-sī beh hiân sio-chè, sò·-chè, siā-un chè, tī hí téng-bīn, Iâ-hô-hoa beh kui-

kiū i; ²⁴goán choè chit ê tãi-chì sī uī-tiòh tī hong chiah kò·-ì choè; sī kiaⁿ-liáu āu-jit lín ê kiáⁿ-sun tui goán ê kiáⁿ-sun kóng, Lín kap Iâ-hô-hoa Í-sek-liát ê Siōng-tè ū sím-mih koan-hē ah? ²⁵Liū-piān lāng, Ka-tek lāng ah, Iâ-hô-hoa siat chit ê Iok-tàn, tī lín kap goán ê tiong-kan choè kài-hān; taⁿ lín tī Iâ-hô-hoa bô hūn; án-ni chiū lín ê kiáⁿ-sun oē hō· goán ê kiáⁿ-sun bô koh keng-ùi Iâ-hô-hoa. ²⁶Só·-í goán saⁿ-kap kóng, Taⁿ lán tiòh uī ka-kī khí chit chō toāⁿ, m̄-sī uī-tiòh sio-chè, iā m̄-sī uī-tiòh pát-hō ê chè; ²⁷chiū-sī uī-tiòh lín goán ê tiong-kan, í-klip lín kap goán āu-tāi ê tiong-kan choè cheng-kù; hō· goán thang tī Iâ-hô-hoa ê bīn-cheng, ēng goán ê sio-chè, siā-un-chè, kap pát-hō chè, lāi hók-sāi I; bián-tit lín ê kiáⁿ-sun āu-jit tui goán ê kiáⁿ-sun kóng, Lín bô hūn tī Iâ-hô-hoa. ²⁸Só·-í goán kóng, Pát-jit in nā tui goán, á-sī goán ê āu-tāi, án-ni kóng, goán thang in kóng, Lín thang khoàⁿ Iâ-hô-hoa ê toāⁿ ê khoán-sit, chiū-sī goán ê liát-chó· cheng só· khí-ê; m̄-sī uī-tiòh sio-chè kap pát-hō ê chè, chiū-sī uī-tiòh beh choè lín goán tiong-kan ê cheng-kù. ²⁹Goán tī Iâ-hô-hoa lán Siōng-tè hoē-bō·-cheng í-goā, lēng-goā koh khí chit chō toāⁿ, uī-tiòh sio-chè, sò·-chè, kap pát-hō ê chè, lāi poē-gék Iâ-hô-hoa, kin-á-jit oát-túg bô tè Iâ-hô-hoa, goán koat-toàn bô chit-hō ì-sù.

³⁰Chè-si Hui-nî-hap kap hoē-tiong hiah ê siú-léng, í-klip kap i saⁿ-kap lāi Í-sek-liát tiong kun-tūi ê thâu-lāng, chiū-sī kap i saⁿ-kap lāi-ê, thiaⁿ-kìⁿ Liū-piān lāng, Ka-tek lāng, Má-ná-se lāng, só· kóng ê oē, chiū lóng liáh-choē hó. ³¹Chè-si Í-lī-a-sat ê kiáⁿ Hui-nî-hap tui Liū-piān lāng, Ka-tek lāng, Má-ná-se lāng kóng, Kin-á-jit goán chai Iâ-hô-hoa tī lán ê tiong-kan, in-ūi lín bô hoân-tiòh chit ê choē

lâi tek-choē Iâ-hô-hoa; taⁿ lín ū kiù Í-sek-liát lêng thoat-lī Iâ-hô-hoa ê chhiú. ³²Chè-si Í-lī-a-sat ê kiáⁿ Hui-nî-hap, kap hiah ê siú-léng, lī-piát Liū-piān lêng, Ka-tek lêng, tui Kì-liát toē tò-khì Ka-lâm toē, kàu Í-sek-liát lêng hia, hê-hok in. ³³Í-sek-liát lêng liáh chit ê sū choē-hó; tui án-ni Í-sek-liát lêng o-ló Siōng-tè, bô koh thê-khí beh chiūⁿ--khì kap Liū-piān lêng Ka-tek lêng kau-chiàn, lâi hui-hoài in só· khiā-khí ê toē. ³⁴Liū-piān lêng, Ka-tek lêng kiò hit ê toāⁿ miâ choē Chèng-kù; in-ūi kóng, Chit ê toāⁿ tī lán tiong-kan cheng-bêng Iâ-hô-hoa sī Siōng-tè.

23 Iâ-hô-hoa í-keng hō· Í-sek-liát lêng an-chēng, bô kap sî-ūi it-chhè ê tui-ték kau-chiàn, í-keng lèk-kè choē-choē jít, Iok-su-a iā hē-siū choē, nî-lâu; ²hit-sí Iok-su-a chiū kiò Í-sek-liát cheng-lêng, in ê tiúⁿ-ló, kap in ê chók-tiúⁿ, in ê sím-phoàⁿ-koaⁿ, in ê koaⁿ-tiúⁿ, lóng-chóng lâi, tui in kóng, Goá í-keng hē-siū choē, nî-lâu; ³Iâ-hô-hoa lín ê Siōng-tè, in-ūi lín ê iân-kò, tui hiah ê kok só· kiāⁿ it-chhè ê sū, lín ū khoàⁿ-kìⁿ; in-ūi thoē lín kau-chiàn-ê sī Iâ-hô-hoa lín ê Siōng-tè. ⁴Só· chhun chiaⁿ ê kok, í-kíp goá só· chián-tū hiah ê kok, tui Iok-tàn kàu toā-hái, òng jít-lòh ê só·-chāi, goá í-keng pun hō· lín ták chi-phài choē-giáp. ⁵Iâ-hô-hoa lín ê Siōng-tè beh tui lín ê bīn-chēng koáⁿ-tiók in, iā beh tui lín ê thau-chēng kek-tiók in; lín chiū beh tit-tiòh in ê toē choē-giáp, chiàu Iâ-hô-hoa lín ê Siōng-tè só· tui lín kóng ê. ⁶Só·-í lín tiòh toā-toā chong-táⁿ, chip-siú lâi kiāⁿ Mô-se lút-hoat ê chhèh it-chhè só· kì-chài ê, m̄-thang lī-khui i lâi phian-chó phian-iū; ⁷tī lín tiong-kan só· chhun hiah ê kok, lín m̄-thang kap i chham-chhap, m̄-thang thê-khí in hiah ê siōng-tè ê miâ, m̄-thang hō· lêng kí in lâi chiū-choā, iā m̄-thang hók-sāi i, m̄-

thang kūi-pài i; ⁸chóng-sī tiòh chiàu lín kàu kin-á-jít só·-kiāⁿ--ê, kiát-liân Iâ-hô-hoa lín ê Siōng-tè. ⁹In-ūi Iâ-hô-hoa í-keng ēng toā koh kiong ê kok tui lín ê bīn-chēng koáⁿ-chhut; kàu kin-á-jít bô chit-lêng oē khiā-tiâu tī lín ê bīn-chēng. ¹⁰Lín chit-lêng beh koáⁿ-tiók chit-chheng lêng, in-ūi thoē lín kau-chiàn-ê, sī Iâ-hô-hoa lín ê Siōng-tè, chiàu I só· tui lín kóng-ê. ¹¹Lín tiòh toā-toā ka-kī kín-sīm, thiàⁿ Iâ-hô-hoa lín ê Siōng-tè. ¹²Lín nā liòh-á tò-thè, kap chun tī lín tiong-kan só· chhun hiah ê peh-siⁿ kiát-liân, kap in kiát-chhin, saⁿ-kap óng-lâi; ¹³lín tiòh khak-sit chai, Iâ-hô-hoa lín ê Siōng-tè tek-khak bô beh koh chiong hiah ê peh-siⁿ tui lín ê bīn-chēng koáⁿ-chhut; chóng-sī in beh chiāⁿ-choē lín ê lô-bāng oáh-tauh, phah lín seng-khu ê chhè, bák-chiu-lāi ê chhi, tit-kàu lín tui tī Iâ-hô-hoa lín Siōng-tè só· siúⁿ-sù lín chit ê hó ê toē biát-bô.

¹⁴Khoàⁿ ah, goá kin-á-jít beh kiāⁿ sè-kan lêng só· tiòh kiāⁿ ê lô; lín chit-sim chit-ì chai Iâ-hô-hoa lín Siōng-tè só· èng-ún sù-hok lín ê oē, bô chit-kù lók-khong, lóng èng-giām tī lín ê sin-chiūⁿ, kí-tiong bô lók-khong chit-hāng. ¹⁵Iâ-hô-hoa lín Siōng-tè só· èng-ún it-chhè ê hok-khì, cháiⁿ-iūⁿ līm-kàu lín ê, Iâ-hô-hoa iā beh chiàu án-ni hō· ták-iūⁿ ê chai-ē kàu tī lín, tit-kàu I biát-bô lín tī Iâ-hô-hoa lín Siōng-tè só· siúⁿ-sù lín chit ê hó ê toē. ¹⁶Lín nā ūi-poē Iâ-hô-hoa lín Siōng-tè só· bēng-lēng lín ê iok, khi hók-sāi pát ê siōng-tè, kūi-pài i, Iâ-hô-hoa ê siū-khì beh tui lín hoat-chhut, lín beh kín-kín biát-bô tī I só· siúⁿ-sù lín hó ê toē.

24 Iok-su-a chū-chíp Í-sek-liát cheng chi-phài kàu tī Sī-kiām, tiâu Í-sek-liát ê tiúⁿ-ló, kap in ê chók-tiúⁿ, sím-phoàⁿ-koaⁿ, í-kíp koaⁿ-tiúⁿ lâi; in chiū khiā tī Siōng-tè ê bīn-chēng. ²Iok-su-a ká cheng peh-siⁿ kóng, Iâ-

hō-hoa Í-sek-liát ê Siōng-tè án-ni kóng, Chhāi-chá lín ê liát-chó·, chiū-sī A-pek-láh-hán ê lâu-pē, Ná-hók ê lâu-pē, Tha-láh, tiàm tī Toā-hō hit-pêng, hók-sāi pát ê siōng-tè. ³Goá chhú lín ê chó· A-pek-láh-hán tùi Toā-hō hit-pêng chhoā i piàn-kiāⁿ Ka-lâm choân-toē; koh hō· i ê kiáⁿ-sun choē-choē, ēng Í-sat siúⁿ-sù i; ⁴koh ēng Ngá-kok kap Í-sò siúⁿ-sù Í-sat, chiong Se-jí^m soaⁿ siúⁿ-sù Í-sò choē-giáp; āu-lâi Ngá-kok kap i ê kiáⁿ-sun lōh-khì Ai-kip. ⁵Goá chhe Mô·-se kap A-lûn, Goá iā kàng chai-ē tī Ai-kip, chiàu Goá tī hí tiong-kan só· kiāⁿ ê; jiân-āu chhoā lín chhut-lâi. ⁶Goá chhoā lín ê liát-chó· chhut Ai-kip, lín chiū kàu hái-kíⁿ, Ai-kip lāng chhoā in ê chhia kap bé-peng tui-jip lín ê liát-chó· kàu Âng-hái; ⁷in kiū-kiò Iâ-hô-hoa, I chiū ēng o·-àm hē tī lín kap Ai-kip lāng ê tiong-kan, koh hō· hái lâi im-bát in; Goá tī Ai-kip só· kiāⁿ ê sū lín chhin-bák khoàⁿ-kìⁿ; lín tiàm tī không-iá choē-choē jlt. ⁸Goá chhoā lín kàu khiā-khí tī Iok-tàn hit-pêng, A-mô·lī lāng ê toē; in kap lín kau-chiàn; Goá chiong in kau tī lín ê chhiú; lín chiū tit-tiòh in ê toē; Goá châu-biát in tī lín ê bīn-chêng. ⁹Hit-sī Mô·-ap ông Se-phoat ê kiáⁿ Pa-lék khí-lâi kap Í-sek-liát kau-chiàn; chhe lāng khi kiò Pí-jí^m ê kiáⁿ Pa-lân lâi chiū-chó· lín. ¹⁰Goá m̄-thiaⁿ Pa-lân ê oē; só·-í i liên-liân ká lín chiok-hok; án-ni Goá chiū kiū lín thoat-lī i ê chhiú. ¹¹Lín kè Iok-tàn, kàu Iâ-lī-ko; Iâ-lī-ko lāng, A-mô·lī lāng, Pí-lī-sé lāng, Ka-lâm lāng, Hek lāng, Kek-ka-sat lāng, Hi-bī lāng, Iâ-pò·-su lāng, lóng kap lín kau-chiàn; Goá chiong in kau tī lín ê chhiú. ¹²Goá chhe toā-chiah-phang pe tī lín ê thâu-chêng, chiong A-mô·lī lāng nnḡ ê ông, tùi lín ê bīn-chêng koáⁿ--chhut-khì; m̄-sī ēng lí ê to, iā m̄-sī ēng lí ê keng. ¹³Goá siúⁿ-sù lín

ê thó·-toē, m̄-sī lín só· tiòh-boā--ê, iā siúⁿ-sù lín siáⁿ, m̄-sī lín só· khí-chō-ê, lín chiū tiàm tī hí tiong-kan; koh m̄-sī lín só· chai-chêng ê phû-tô-hnḡ kaⁿ-ná-hnḡ, lín tit-tiòh chiah i ê ké-chí.

¹⁴Taⁿ lín tiòh keng-ùi Iâ-hô-hoa, sêng-sim sit-ì hók-sāi I, chiong lín liát-chó· tī Toā-hō hit-pêng kap tī Ai-kip só· hók-sāi ê siōng-tè tū-khì, lâi hók-sāi Iâ-hô-hoa. ¹⁵Nā sī lín liáh hók-sāi Iâ-hô-hoa choē m̄-hó, kin-á-jlt lín tiòh keng lín só· beh hók-sāi--ê; khoàⁿ sī lín liát-chó· tī Toā-hō hit-pêng só· hók-sāi hiah ê siōng-tè, á-sī lín só· khiā-khí in ê toē, A-mô·lī lāng, hiah ê siōng-tè ah. Lūn-kàu goá kap goá ê ke, goán koat-toàn beh hók-sāi Iâ-hô-hoa.

¹⁶Peh-sìⁿ in kóng, Goán koat-toàn bô ì-sù beh khi-sak Iâ-hô-hoa khi hók-sāi pát ê siōng-tè. ¹⁷In-ùi Iâ-hô-hoa goán ê Siōng-tè bat chhoā goán kap goán ê liát-chó· tùi Ai-kip toē choē lô·-chāi ê ke chhut-lâi, tī goán ê bák-chiu-chêng kiāⁿ hiah ê toā ê sîn-jiah, tī goán só· kiāⁿ it-chhè ê lô·, só· keng-kè ê ták-kok, lóng ū pó-hō· goán. ¹⁸Iâ-hô-hoa iā tī goán ê bīn-chêng koáⁿ-chhut lóng-chóng ê peh-sìⁿ, koáⁿ-chhut khiā-khí chit ê só·-chāi ê A-mô·lī lāng; só·-í goán iā beh hók-sāi Iâ-hô-hoa, in-ùi I sī goán ê Siōng-tè.

¹⁹Iok-su-a tùi peh-sìⁿ kóng, Lín boē-oē hók-sāi Iâ-hô-hoa, in-ùi I sī sêng ê Siōng-tè, koat-toàn bô iông-ún ēng pát ê Siōng-tè phit-phoē I, bô beh sià-bián lín ê kè-sit, lín ê choē-ok.

²⁰Lín nā lī-khui Iâ-hô-hoa khi hók-sāi goā-pang ê Siōng-tè, Iâ-hô-hoa tī kàng hok-khì hō· lín liáu-āu, beh oát-túg lâi kàng chai-ē hō· lín, biát-bô lín. ²¹Peh-sìⁿ in Iok-su-a kóng, Bô--lah; goán tiāⁿ-tiòh beh hók-sāi Iâ-hô-hoa. ²²Iok-su-a tùi peh-sìⁿ kóng, Lín keng Iâ-hô-hoa beh hók-sāi I, lín ka-kī choē

lín ê kan-chèng. In ìn kóng, Hó, goán choè kan-chèng. ²³Iok-su-a kóng, Lín taⁿ tiòh tû-khì lín tiong-kan só· ũ goā-pang ê siōng-tè, hō· lín choan-sim kui-ng̃ Iâ-hô-hoa Í-sek-liát ê Siōng-tè. ²⁴Peh-sìⁿ ìn Iok-su-a kóng, Goán beh hòk-sāi Iâ-hô-hoa goán ê Siōng-tè, thiaⁿ-thàn I ê oē. ²⁵Hit-jit Iok-su-a chiū kap peh-sìⁿ lîp-iok, tī Sī-kiàm kā in siat-lîp lû-t-lē hoat-tō·. ²⁶Iok-su-a chiong chiaⁿ ê oē lóng siá tī Siōng-tè lû-t-hoat ê chheh, koh chiong chit-tè toā chiòh-thâu khiā tī-hia, tī siōng-chhiū kha, Iâ-hô-hoa sèng-só· ê piⁿ-á. ²⁷Iok-su-a tùi cheng peh-sìⁿ kóng, Khoàⁿ ah, chit ê chiòh-thâu beh choè lán ê kan-chèng; in-ūi i ũ thiaⁿ-kìⁿ Iâ-hô-hoa só· hoan-hù lán it-chhè ê oē, só·-í beh tùi lín choè kan-chèng, kiaⁿ-liáu lín poē-gék lín ê Siōng-tè. ²⁸Iok-su-a chiū chhe peh-sìⁿ khi; ták-lâng chiū tò-khì i só· tit-tiòh ê toē.

²⁹Chiaⁿ ê sū í-āu, Iâ-hô-hoa ê lô·pók, Lùn ê kiáⁿ Iok-su-a, chit-pah it-cháp hē chiū sí. ³⁰In chiū bài-chòng i tī i ê giáp ê kài-lāi, chiū-sī tī Í-hoat-liân soaⁿ-toē ê Têng-ná-se-láh, tī Ka-sít soaⁿ ê pak--sì. ³¹Iok-su-a tī-teh ê jit, kap Iok-su-a sí liáu-āu, hiah ê chai Iâ-hô-hoa ũi Í-sek-liát lêng só· kiāⁿ chiaⁿ ê sū ê tióng-ló iáu tī-teh ê sī, Í-sek-liát lêng hòk-sāi Iâ-hô-hoa.

³²Í-sek-liát lêng tùi Ai-kíp só· toà lāi Iok-sek ê kut-thâu, in bài-chòng i tī Sī-kiàm, chiū-sī Ngá-kok chá-cheng ēng chit-pah gûn tùi Sī-kiàm ê lāu-pē Hap-boát hiah ê kiáⁿ só· boé ê toē; chiū choè Iok-sek kiáⁿ-sun ê giáp. ³³A-lûn ê kiáⁿ Í-lī-a-sat iā sí; in chiū bài-chòng i tī i ê kiáⁿ Hui-nî-hap só· tit-tiòh ê soaⁿ-lûn-á, chiū-sī tī Í-hoat-liân ê soaⁿ-toē.